

贈

言

寸

州

廬

四明張氏約園開雕

張氏寸草廬贈言序

寸草廬贈言者給諫肖菴張先生追念母節孝李太夫人之苦節仿汪氏雙節堂贈言之刻哀集海內名流投贈之作都爲一編者也余於先生爲館後輩平生風義在師友閒曩官京師所居距先生寓廬咫尺朝夕過從殆無虛日相見必商榷文字時或彼此互述先德輒聞先生感念母太夫人之苦節與夫期望之殷訓誨之切言次涕泗交頤至不能竟其辭余竦息敬聽竊念有是母乃生是子蓋見先生至性至情數十年如一日其孝

寸草廬贈言序

一四明叢書  
約關刊本

思有足令人感動者先生由館閣入諫垣遇有論奏務持大體不撫拾細故某歲聞東朝有易置大寶之意憂懼至於廢寢忘食忠清直亮雖古名臣何以加茲先生始嘗顏其書室曰慕歐廬一日余私謂先生曰歐公蓄道德能文章居諫院有直聲公所景慕固已他日儻爲先德撰表墓之文如所云不辱其先其來有自者殆將襲用此數語乎先生雖謙不敢承然窺其意未始不以余爲知言也先生之編贈言以文字表章賢母用意與歐公將毋同奈未及刊行遽捐館舍今哲嗣詠霓善繼

善述重加編次付之剞劂以竟先志語有之莫爲之後  
雖盛弗傳今而後此書傳矣太夫人之節乃益顯詠霓  
以余稔知其家世乃屬爲之序余維詠霓爲此彰王母  
之苦節慰若考之孝思一舉而二善備焉天啓張氏俾  
孝子慈孫萃集一門儻亦太夫人之靈爽有以庇燾其  
後嗣而昌大其家聲乎豈偶然哉自世教衰微綱常隳  
壞忠孝廉節之事不復問矣是編之成豈獨張氏世世  
子孫讀之生感於世道人心關係亦至鉅也覽是編者  
當不河漢斯言癸亥七月鎮海盛炳緯



行述

先妣李氏贈武略騎尉振國公女也年十七歸先君福

祐公先君家故貧又善病病作先妣奉侍輒竟夕不寐

咸豐乙卯秋先君病革時先妣年二十八嘉祿甫十一

歲兩妹皆幼先君指嘉祿謂先妣曰三世單丁賴有此

兒若善撫之勿令失學語訖而絕先妣持嘉祿等慟絕

而蘇七日杖而能起即督嘉祿入塾一日偶逃學先妣

挈嘉祿踣先君柩前撻之曰若父喪甫逾月卽如是他

日安所望成立且撻且泣自是督愈嚴雖祁寒暑雨一

子輩廉贈言行述

一四明叢書  
約園刊本

錄課讀弗輟也親串有以貧故勸之學買者堅弗聽先

妣不逮事舅姑凡歲時祭祀饋食非手治者不以獻遇

先君忌日終身哭如初喪自先君歿後益奇窘嘉祿幼

羸弱丙辰病幾殆先妣百計救治悉罄所有衣服每日

辨色卽起就庭前朝陽工作夜過午刀尺聲不絕至同

治壬戌病作猶諱不令嘉祿知稍閒輒自力鍼砭不釋

手嘗語嘉祿曰汝脩脯所入不足以供吾藥餌死生有

命非稊苓所能爲也歲乙丑先妣望嘉祿入學甚至竟

不售由是病益劇次年丙寅正月月湖書院校士猶促

嘉祿 入試四月病少閒猶爲嘉祿聘婦柴氏至五月疾

革彌留時執嘉祿手泣曰吾望汝成名以下告若父今

不及待矣嗚呼痛哉先妣生於道光八年六月二十三

日卒於同治五年五月十二日得年三十有九子二長

卽不孝嘉祿光緒三年進士翰林院編脩次殤女二長

適國子監生胡炳照次殤先妣歿後二年郡縣上其事

以節孝旌又九年以不孝嘉祿官遇覃恩贈孺人光緒

七年三月初四日偕先考葬於本邑西山抱壘之麓謹

撮生平言行大略述之伏冀當代大人先生垂鑒焉不

不孝嘉祿行述  
一三四明徵書  
約圖刊本

孝嘉祿 謹述

鄞縣志列女傳

李氏年十七歸張福祐夫善病侍湯藥唯謹每疾作徹夜坐牀側如是者有年及夫病革以子屬李氏曰吾家三世惟此一綫此子嗜書汝教以讀勿他計也言訖而瞑李時年二十八子嘉祿甫十一銜哀教養家貧賴十指以給朝夕課子甚嚴讀書稍懈卽撻以夏楚不少假年三十九卒臨歿呼嘉祿勉以篤志後嘉祿食餼郡庠人以爲母教所致云

寸草廬贈言目錄

卷一

傳

長沙王先謙

同縣毛琅

同縣陳康祺

同縣盧友炬

恩施樊增祥

卷二

墓誌銘

會稽李慈銘

寸草廬贈言目錄

二四明叢書  
約園刊本

懷寧洪思亮

瑞安孫衣言

卷三

書後

甘泉董恂

會稽孫德祖

遵化蔣慶第

江夏胡瑞瀾

長白宗盛昱

宛平陸鍾琦

卷四

贊

同縣劉鳳章

安陸陳培庚

卷五

頌

江陰繆荃孫

同縣范沉

同縣徐甲榮

卷六

誄

鎮海孫瑛

寸草廣贈事目錄

一一四明叢書  
約圖刊太

當陽葉廉錡

華陽吳祖椿

同縣張崇溥

同縣柯錫圭

同縣范多璘

卷七

連珠

同縣凌忠鎮

卷八

樂府

黃岡洪良品

山陰潘 遜

鎮海陳聿昌

歙縣程 夔

同縣洪應祥

同縣趙佑宸

鎮海陳繼聰

缺

慈谿葉慶增

缺

卷九

古今體詩

壽州孫家鼐

十車廬贈書 目錄

三四册藏書

約園刊本

同縣童 華

臨海馬彥森

吳縣孫 憲

侯官楊叔懌

同縣陸廷猷

鎮海王榮商

番禺潘譽徵

萍鄉喻兆蕃

慈谿趙家薰

仁和楊鴻元

慈谿胡啓燾

同縣張仁炬缺

鎮海烏顯煥

慈谿張斯縉

鎮海謝輔纓

同縣李雲集

溧陽姚光宇

黎城高桐

四四明叢書

約開刊本

同縣張家驥

仁和汪朝模

東陽吳品珩

華陽傅世煒

臨海鄧慶恩

同縣童揆尊

慈谿葛祥熊

慈谿費仲綸

慈谿張宏訓

同縣夏啓瑜

同縣趙鼎仁

震澤周齡

同縣郭慶恆

同縣李淦

海寧蔣廷樞

會稽陶濟宣

缺

德化李盛鐸

江寧夏家鎬

五十四明叢書

續圖刊本

寶應劉啓端

丹徒支恆榮

天津趙世德

鎮海鄭賢坊

同縣馬恩黼

同縣陳熙績

同縣傅彤禧

蕭山黃中理

同縣傅毓璋



卷十

秋鐙課讀圖

仁和戴兆春

秋鐙課讀圖題詠

壽陽祁世良

長沙徐樹銘

秋鐙課讀圖題

侯官何剛德

附錄

五言古詩

湘鄉曾廣鈞

十草廬書目錄

六四明叢書  
初圖刊本

寸草廬贈言卷一

男張嘉祿彙編

孫張壽麟校刊

傳

長沙王先謙

孺人李氏鄞縣張編修嘉祿母也年十七歸介葺贈君  
生嘉祿及二女贈君疾革指嘉祿謂孺人曰三世單丁  
賴茲一綫汝勉撫之言已而瞑時嘉祿十一歲二女數  
歲耳家貧甚孺人命嘉祿從師讀一日嘉祿廢學孺人

寸草廬贈言卷一

四明叢書

約園刊本

孺之跪贈君畫像前曰兒向頗嗜書今父柩在堂迺如  
此他日何所望且撻且泣嘉祿亦泣白哀悔自是教課  
愈嚴晨興入塾師則督之逮夕歸室已則續之祖先享  
祀姻族餽問米鹽衣履脩脯之資仰孺人十指辨色而  
作丙夜而不休如有年嘉祿學成爲閩里名師孺人  
疾戒無令嘉祿聞嘉祿知而求醫立方孺人輒卻之曰  
死生有命藥能爲功耶同治五年卒年三十有九後二  
年以節孝

旌嘉祿貴贈孺人孺人在時爲嘉祿聘婦未娶望嘉祿

爲諸生亦不及見也

前史官王先謙曰編修語余少時讀姚氏籍記蕭山汪進士輝祖兩節母事當時進士求文至數百篇徵姚氏至今天下誰知蕭山汪氏兩節母者因泣述其節母事而求余文自聖皇宰世禮教旁洽天下孝子貞婦眾矣苟不遇善爲文如姚氏輩則姓氏不能播於人人之口者何可勝道然綱常之理自有其不做者存不恃文字之末也矧余文不足爲節母重耶編修文粹而行篤將導揚前美以章其母之德於無窮余姑爲之傳以俟焉

甘肅通志

卷一

一四明叢書

約園刊本

同縣毛琅

母李氏贈武略騎尉振國公女翰林院編修肖葦張太史之母也母歿二年郡邑以節請旌越九年肖葦聯捷成進士與館選始贈母爲太宜人卽以是年奉母主人祀節孝祠導以儀仗夾以鼓吹衣冠而送者百數輩道路闕溢觀者莫不稱歎謂節母之獲報如是也願吾謂母之賢有不僅以節著者當母稱未亡時肖葦甫十一齡偶逃塾而孀母挈之踰園前且泣且杖曰汝父以成名望汝今骨肉未寒遽違其訓余懼無以見死者

於地下肖菴感泣由是奮志諷誦之聲與刀尺之聲恆  
達丙夜迄於有成是母能嚴以訓子也張氏三世單傳  
肖菴又素孱多病母百方節縮爲藥餌資不足則陰檢  
衣飾付質庫而母或有疾肖菴爲之延醫診治輒惜費  
不服藥泣勸之則強自支持示若無疾者然是母能慈  
以保其孤也肖菴投徒里塾硯田不豐母日佐以鍼苒  
蚤作晏息非甚病不少輟而錢布之瓊有非脩脯所入  
者戒肖菴勿妄取是又能勤儉以守其貧也若母者豈  
僅以節著與歐陽文忠曰見其子之賢而有立則知其

母之義方今肖菴少年科第而嗜學守身無改厥常在  
外無佚遊在鄉無干謁時方以是賢之烏虜孰知其母  
之賢有以成之乎母生於道光戊子六月二十三日卒  
於同治丙寅五月十二日子一名嘉祿光緒丁丑進士  
翰林院編修女一適胡國學炳照肖菴將以辛巳三月  
遷贈公介菴先生之柩與母合葬於西山之抱審因述  
母之言行廣徵銘誄敬詮次所聞以附家乘之後焉

贊曰唐李景讓之母以嚴明能訓其子聞太宜人豈其  
苗裔歟顧太宜人能成其子之名而太史亦能慰其母

之志所謂非是母不生是子也雖然太史信能榮其親  
矣必若甘泉畫像瀧岡表旣庶乎不負賢母之志也顯  
親者勉乎哉

同縣陳康祺

孺人姓李氏鄞縣人武略騎尉振國女年十七嬪於張  
爲贈文林郎福祐配時舅姑均前卒以貧故未葬也孺  
人相贈君黽勉經營擇地而兆歲時忌日之祭手治尊  
簋必誠必絜贈君夙羸弱善病每疾作孺人晝夜護視  
勤不告疲歲乙卯贈君棄世遺孤嘉祿勵十有一歲二

小學廬贈言卷一

四四明叢書

續編本

女尤孩稚孺人節哀撫孤家益窮空凡饋鬻禱禱殮絮  
束脯之資多出之十指炎雨嚴霜篝鐙工作茶苦至不  
可狀嘉祿閏抱恙孺人料量藥餌所嫁時裝幾盡顧往  
往自諱其篤癯不聽醫治更歷離亂幼女夭殤而孺人  
病不可爲矣臨歿執嘉祿手嗚咽曰吾望汝成名竟不  
及待天平卒年三十九同治五年五月也越二年有司  
上其事以節

旌又十一年以子貴

敕贈孺人

論曰孔子刪詩錄柏舟而婦行始以節重劉向列女傳其五曰節義班昭女誠亦諄諄於婦不二適嗣是綱常浸明世典有述匹婦貞一之操遂與忠孝大倫並光於史牒顧余竊維

國家崇獎風紀

詔旌守節婦女歲亡慮千百人而諸史傳列女以貞節著聞者一代闕幃寥寥可數豈史臣以意予效與彼寥寥者何所持以久遠邪良由孝子順孫被服先澤旣徧乞同時達人長者之譔著闡揚其懿淑益自修名德俾

寸草廬附錄卷一

五四明叢書

約圖刊本

天下後世焯然信淵源之有自而眾論之不誣顯揚之業斯其大者余昔里居教授嘉祿蚤從吾游其羣從儒衣冠者率著錄余門下故余於孺人之徽燾知之特詳余聞贈君新喪嘉祿一日偶廢學孺人則大戚提嘉祿兩耳跽匱前且笞且泣曰兒不率教未亡人何生爲嘉祿乃感奮委己於學今且成進士入翰林矣州里歎頌咸謂孺人苦節之報第昔人有言宰相時至則爲之奚有於一第文章志業願嘉祿彌復淬厲斬有以不朽其親者或在此而不在彼也

同縣盧友炬

教子成名不可必之事也而單寒之家教子尤難又或  
童年失怙遭際閔凶以母兼父更難之難焉兩漢以來  
傳列女者所由與公卿將相並重也若吾友肖葦張編  
修之太夫人洵可謂能教子矣太夫人姓李氏贈武略  
騎尉諱振國女年十七歸贈公福祐家貧翁姑前歿太  
夫人佐贈公節衣縮食以營宅兆遇祭日雖薄物必手  
治精潔贈公體弱多疾太夫人事之甚謹或徹夜長坐  
不寐病革謂太夫人曰吾家三世惟此一綫汝勉撫之

勿令失學言訖而暝時咸豐五年太夫人年方二十有  
八編脩君纔十一兩女僅數歲耳家無甌石饗飧不繼  
太夫人執編脩君手慟哭不止旁人勸諭之哀稍節卽  
命編脩君攜書之塾己則日勤鍼黹以易餼粥天初明  
卽起夜過午猶聞刀尺聲一日編脩君偶逃學挈之跪  
贈公像前曰汝夙嗜書父柩在堂卽不循規矩他日尙  
何望言已而撻且撻且泣編脩君亦泣太夫人泣不能  
仰自是督課愈嚴編脩君偶有疾則典衣以市藥餌家  
既奇窘又值粵逆之擾流離播越無以爲生或勸令編

脩君習賈太夫人輒舉贈公勿令失學語泣謝之女紅所入必先爲脩脯資春秋享獻以至姻戚問遺暨鹽豉醬齏寸縷斗粟舉一身任之不令編脩君知恐分心荒學也編脩君天資敏銳又感太夫人之茶苦日夜淬厲未冠聲名翔洽爲童子師得所入供太夫人而太夫人已心力交瘁病不可支矣同治五年五月十二日卒享年三十有九歿後二年編脩君上其事得旌如例時修縣志因載入傳中又九年爲光緒三年編脩君成進士入翰苑六年補編脩人咸謂太夫人之報而惜乎太

寸草虛贈事卷一

七四明叢書

約園刊本

夫人之不及見也夫自古嚴以課子而未必成名者多矣而盡荻而丸熊者類皆昌其後嗣豈天之有所私哉其境彌苦其志彌堅故天以昌之者酬之也雖然天旣酬之又必賴後之人能善承之斯其流澤愈遠觀於太夫人之已事則含冰茹檠者可以勸觀於編脩君致身通顯而好學不倦則天下之爲人子者亦可以知所勉矣

恩施樊增祥

播人姓李氏鄞縣贈武略尉振國女年十七歸同縣



張贈君福祐時舅姑已前卒恆以不逮事爲憾樽節日用相贈君營宅兆如禮歲時祭獻魚蟹瓜果皆手自潔治贈君故多病每疾作孺人輒不寐竟夕及贈君病篤指其子嘉祿曰三世單丁唯此一息其善撫之勿令失學言已遂瞑孺人夙知嬰白之義奉遺令唯謹贈君猶未殯卽趣嘉祿就學一旦偶逃塾孺人捉歸影堂燿而數之曰汝父歿甫經月卽好嬉戲若此吾復何望乎且燿且泣嘉祿亦泣不可仰自是不敢復戲先是贈君家故貧歿後亦大困孺人每辨色起就庭前朝陽工作夜

過午猶篝燈縫紵不勸凡祭祀酬酢及子女裳舄塾師脩庭之費無不從十指出也年三十九以病卒謂嘉祿曰汝名未成聘婦未娶妹未嫁吾憾終不釋矣歿二年得旌於朝又十年嘉祿成進士入翰林今官編脩文采斐然而脩謹自足人咸知爲母教云

樊增祥曰自泰西通市鄞之人以商致富者殆難更僕自後相倡用商材之說於是閭閻販夫以口舌得官者益肩背相望當世士大夫窮無復之有亟思變計者矣方贈君歿時孺人家無儋石嘉祿年十一學成不成未

可知其戚有招之學買者孺人堅勿許而課之益嚴蓋  
不負贈君臨歿之言又深知其子才學焉而必成卽名  
不成亦終不以他途易吾清白也嗚呼若孺人者豈不  
偉哉

寸草廬贈言卷二

男張嘉祿彙編

孫張壽鏞校刊

墓誌銘

會稽李慈銘

翰林院編修張君嘉祿郵之篤行君子也與人言恂恂若不及居京師內城閉門自守罕交接顧嘗數過余道其母孺人之節行輒涕泗交頤慈銘聖善之痛百倍常人聞嘉祿言往往慘戚者數日不能釋既嘉祿再三句

寸草廬贈言卷二

一四四冊藏書  
約園刊本

其同年友持所述行略并將以幣來屬余爲志幽之文其曷敢辭按行略孺人李氏贈武略騎尉振國女也年十七歸贈文林郎國子生張諱福祐贈君家故貧又善病病作孺人奉侍輒竟夕不寐咸豐乙卯秋贈君病革時孺人年二十有八嘉祿甫十一歲而女皆幼贈君指謂孺人曰三世單丁賴有此兒若勉撫之勿令失學語訖而絕孺人持嘉祿等慟絕而蘇七日杖而能起卽督嘉祿入塾一日偶逃學孺人挈之踞贈君柩前撻之曰若父喪甫踰月卽如是他日安所望成立且撻且泣自

是督愈嚴雖祁寒暑雨一鐙課讀勿輟也親申有以貧  
故勸之學賈者堅勿聽孺人不遑事舅姑凡歲時祭祀  
饋食非手治者不以獻過贈君忌日終身哭如初喪自  
贈君歿益奇窘嘉祿幼羸弱丙申病幾殆孺人百計救  
治悉罄所有衣服每日辨色卽起就庭前朝陽工作夜  
過午刀尺聲不絕至同治壬戌病作猶諱不令嘉祿知  
稍閒輒自力鍼荷不釋手嘗語嘉祿曰汝脩脯所入不  
足以供吾藥餌死生有命非微斧所能爲也嗚呼觀嘉  
祿所述母氏劬勞傷心之甚有令永感之人不能終篇

者矣嘉祿又泣而述曰歲乙丑冬學政歲試吾母望嘉  
祿入學甚至竟不售由是病益劇次年丙寅正月月湖  
書院校士猶促嘉祿入試至五月疾革彌留時執嘉祿  
手泣曰吾望汝成名以下告若父今不及待矣悲夫以  
孺人之恩勤教育而不及見子之一齒於學是誠嘉祿  
終身之大痛然嘉祿能旋致科第躋身清華亦足慰孺  
人與贈君於地下而稍塞風木無窮之悲矣要之所貴  
乎故家者謂其母慈子孝矜式鄉里文章行義不墜先  
人非以爲科名也今世之鼎貴一門子孫積芴起居八

座偁太夫人者以視霜落鏡紅風號屋破紡車書冊形  
影相依天心之惓然鬼神之所相或反在此而不在彼  
也孺人生於道光八年六月二十三日卒於同治五年  
五月十二日得年三十有九子二長卽嘉祿光緒三年  
進士次殤女二長適國子監生胡炳照次殤以光緒辛  
巳年三月初四丙寅日偕贈君合葬於西山抱輿之麓  
坐壬向丙兼子午方向贈君別有志故弗詳孺人沒後  
二年郡縣上其事以節孝  
旌又九年以嘉祿遇

女車廡贈南卷二

三四明藏書  
約園刊本

覃恩贈孺人銘曰

母以子榮載其德聲子以母成保茲令名先旌後封國  
家令典維此賢母是曰不覲今之封贈務冒其華虛增  
階級陵躐紛拏翰林之貴初階七品今輒三加司封不  
審由此逆僭爲榮爲光誣親罔君穢我旂常賢母之封  
獨守本秩顯孺人雲輝芝敷育斯令子酬恩不欺宜  
爲名臣寔曰母儀相夫教子事應銘法勞苦之報馨香  
無乏

懷寧洪思亮

今上御極之三年丁丑余與鄞縣張君嘉祿同舉禮部  
試成進士改庶吉士因締交焉嘉祿篤學有聲譽騰驥  
壯齒儕輩豔之而嘉祿與余游言卹然容戚戚然若  
有大弗賺於心者余心訝之越庚辰同試散館授編修  
互以德藝相切靡過從益密嘉祿乃述其先太孺人以  
二十年媼孀家四壁立含辛茹苦撫孤訖成人迨博一  
第躋一階乃不獲備一朝之養言至此聲嗚嗚淚下如  
綆縻已乃出節母事狀乞文以紀余以年家子義無可  
辭謹按狀節母李氏贈武略騎尉振國公女幼事父母  
以孝聞生十七歸贈文林郎翰林院編修介菴張公媿  
婉恪慎贈公極賢之贈公門祚苦衰薄又善病嘉祿齒  
纔齟贈公卽棄世當贈公疾革時顧節母語不及他惟  
懼嘉祿失學舉以屬節母節母心任之故贈公歿節母  
補苴掇拾皆爲嘉祿從學計當是時世亂年荒家貧子  
穉以健丈夫丁此其不顛墜者幾希而節母以未亡人  
措危濟險支離輾轉於其閒卒能不墜贈公彌留之命  
可不謂賢歟而吾尤異贈公知節母之心與力於數十  
載之前何深且豫也節母終其身家中人產凡張氏

葬祭婚娶以至饋獻脩脯輒取給於十指故終身非疾  
劇未嘗去刀尺每病不服藥兒女子強之則以痊可告  
生平忍苦蓄約皆視此蓋天性然也嘉祿學既成同治  
甲子乙丑間方出試於州郡輒不利迨登進士第距節  
母之歿已十餘年乃知嘉祿嚮之言卹卹然容戚戚然  
若有大弗慊於心者非無故也抑余因有進焉禮曰君  
子之所孝者國人稱頌然曰幸哉有子又曰父母既歿  
思貽父母令名昔之所謂名者豈惟科第爵祿之是謂  
其謂砥行厲學使其親爲有道之親所謂名也名之立

不立人爲之嘉祿能自主也養之逮不逮天爲之嘉祿  
所無如何凡有嘉祿之心者皆無如何也夫口體權傾  
聲施闕寂當世之所謂孝者豈少也哉不惟非節母所  
望於嘉祿亦非贈公之所謂學也節母生道光八年六  
月二十三日卒同治五年五月十二日享年三十有九  
以光緒七年三月二十二日與贈公合葬於西山茅舍  
漕抱恩之麓生子二人長嘉祿次殤女二人長適同縣  
國子監生胡炳照次亦殤守節署年合令甲有

詔旌表今以嘉祿官贈孺人銘曰

道無成代有終妻有盡母無窮子也才夫斯慰鍾與柳  
差髣髴銘諸幽死猶未

瑞安孫衣言

今天子初元以登極覃恩中外於是鄞張君嘉祿以光  
緒三年進士選爲翰林院庶吉士得贈其父福祐文林  
郎母李氏孺人而先是郡縣官亦以孺人節行上於朝  
得旌表如例於是孺人卒九年矣嘉祿復撰次孺人之  
所以事夫持家植子者爲書因同郡徐戶部定超以抵  
予請爲墓銘予方病未遑暇也逾年將還朝又以爲言

才學廣覽卷二

六四明徵書

約園刊本

視其狀甚詳以哀乃爲序而銘之孺人亦鄞人父曰武  
略騎尉振國年十七歸文林君文林君家故貧而素多  
疾每疾作孺人輒朝夕在視不敢寐咸豐乙卯文林病  
不可爲指嘉祿以屬孺人曰三世單傳只此一息汝善  
撫之無令廢學言訖而瞑孺人則日持嘉祿哭泣其哀  
不可聞其父母慰解之百端始稍稍進食飲然哭泣常  
無時一日嘉祿偶逃學孺人則梓嘉祿跪柩前泣曰汝  
向喜書今父歿甫踰月遂如此尙望成立乎且撻且泣  
由是督嘉祿愈急雖大寒暑不稍輟有謂孺人盍改計



以治生孺人輒不晷日辨色起坐屋前榮就日光治鍼  
晝夜過午刀尺聲猶未息而嘉祿亦羸弱善病孺人輒  
行食以供醫藥未嘗使嘉祿知既而孺人亦病輒不肯  
召醫或醫至立方而有參朮貴藥輒不以示嘉祿蓋恐  
無以資嘉祿於學也凡嘉祿讀書之費及歲時伏臘賓  
祭餽問一切米鹽淺雜輒手自處畫未嘗一以累嘉祿  
蓋恐無以專嘉祿於學也同治乙丑嘉祿以童子試被  
黜孺人病始劇其明年四月病少閒猶爲嘉祿聘婦柴  
氏至五月復病病益侵則持嘉祿手泣曰吾所以望汝  
學者冀倖汝成微名以見汝父地下今不及待矣遂卒  
蓋嘉祿之述其母事如此嗚呼可謂哀矣孺人以道光  
八年戊子六月二十三日生而以同治五年丙寅五月  
十二日卒年甫三十有九於是文林君卒二十二年矣  
子二人長卽嘉祿次殤女二人長適國子生胡炳照次  
亦殤文林君之卒也嘉祿年甫十一又十一年而孺人  
卒又九年而嘉祿舉於鄉其明年遂以進士入翰林嗚  
呼孺人之所以篤子於學可謂至矣嘉祿之所以述母  
之節可謂哀矣當孺人之不幸不及見其子之成名或

以爲天於孺人之節茫乎忽乎其未有以報也而嘉祿之賢能自振拔顯榮光大以稱孺人之心而褻孺人之節著於天下則天之所以報施孺人又何其厚也夫古之所謂豪傑大人其先世之困苦墊隘容有過於人人而古之所謂苦節至行其子孫常多賢達此固理之常也然天之於苦節至行之人有爲之而輒報有久之而後報有久之而竟不報者在天之意固以謂凡苦節至行皆所以自盡其心之所安而非有望於外也然要以爲之而輒報爲天理之極至愜乎人心之所願欲而世

教由此起焉若孺人者可謂無憾矣予既久出爲外官於同館後進往往不能舉其姓名而嘉祿與予猶子詒燕同丙子鄉舉故以銘屬予定超亦丙子同年也今嘉祿在翰林爲編修定超亦以癸未第觀政戶部而燕也亡矣予故久而後爲之銘銘曰

學也傳鷦母之賢仕而褻維子之毅天寶昌之匪蕃匪

卜

寸草廬贈言卷三

男張嘉祿彙編

孫張壽鑑校刊

書後

甘泉董恂

恂於道光庚子以門下門生禮見協揆湯敦甫先生旋呈篝燈課讀圖丐題至今寶之光緒乙酉冬通家張肖菴太史奉尊慈李太夫人行略來述其酷暑嚴寒背燈課讀狀濟焉以祿不逮養爲戚恂惟太夫人懿行嘉言非筆墨所能罄就所述綜覈之與恂早年身受景況政同眞是沆瀣一氣今者綽楔光榮

寶章迭晉太夫人固自有其不朽者在它日顯庸褒大瀧岡表阡亦意中事正毋庸以目前戚戚也肖菴勉之

會稽孫德祖

德祖獲見張肖菴太史之歲歲在庚午太史方以能文有聲於庠序皆曰是節母太夫人所教而成之者也德祖心識之越十有二年歲在辛巳德祖與修慈谿縣志而太史以名翰林在假復相見甬上因奉所述太夫人

行略句一言德祖受而讀之私竊爲之重吁而歎歎焉  
今有人儼然其翼簪紱矣吾見其愛憐厥子也曰是宗  
祕之所爲繫也束之以詩書而約之以禮法其弗堪也  
必不得已而爲之具束脩求師傅必其癯老不任督責  
者不則輕脫不事事者引其子挾書而前其容有顯曰  
是生而弱發先生慈之卽有不帥教願無以夏楚二物  
從事也至於聲色貨利凡可以戕生而滅性者不憚雜  
投之以償其欲而惟恐弗當其意之所好賢於是者知  
業其子矣又藉口於儒冠之誤人以爲不如逐錐刀之

末作大腹賈天下父母心亦願其子之多金不願其多  
文也夫以三世之緒子然寄之卵角之童而又撫之以  
青年之苦節使其不忍而爲姑息之愛孰得而議之矧  
夫食報於詩書有不如懋遷之捷獲者稍稍計近利雖  
有佳兒方且搖於世俗之見以枉天賦之良材而太夫  
人獨能知太史之必有成也毅然畫菽以親其教而猶  
恐成之不必遂也惻然折衷以濟其慈有如太夫人者  
豈惟巾幗須眉中吾見亦罕逮夫太夫人完貞之日太  
史之學旣成雖不及見太史通籍之年而太夫人之目

可瞑已而太史猶以祿不逮養爲大憾夫祭而豐不如養之薄也歐陽子之感深矣然而表崇公之阡瀧岡以之千古太史行赴館職作爲大文黼黻

明天子之廷繼此且高鸞王路康濟清時俾浙東人士莫不引爲鄉邦之榮而歸美乎太夫人之教以視菽水逮存而養止於口體者不可同年語矣於太史之行書以慰之且以風世之爲丈夫而不能教其子者

### 遵化蔣慶第

鄞縣張肖菴太史述其母李太孺人行實當介菴先生

才草履贈事

卷三

三四明叢書

納園刊本

之屬續也遺令曰三世單丁毋使失學太孺人茹苦持門一意督成兒子名比太史遊庠竟不及見至登第而太孺人歿十一年矣太史泣書之而長慟也鄞俗樸厚太史世寒峻奮述之難尤非貴介子弟比母誠善教克如所志與否若不可知而當日期之遠持之堅蓋慈母操筆其恃人定以勝天固矣抑所貴乎成名者非徒顯達爲名發於事業可傳法之謂名特不顯達事業無所憑藉然則太夫人承封翁之意以授之子者更有不止是者焉太史祿養不逮之慟又以善繼先志爲補闕也

江夏胡瑞瀾

張肖菴太史嘉祿鄞邑篤學士也癸未冬奉其母李孺人行略示余曰嘉祿少孤賴吾母之力以養以教以至於成人今幸竊微祿而吾母不獲受一日之養憶先君子見背時嘉祿甫十有一歲室無儋石儲倚吾母女紅爲生計昕夕勤勞飲食日用之資咸仰給焉乏則質衣飾佐之吾母茹荼飲冰備嘗艱苦綜理家政儉而有禮嘉祿體素羸撫育倍至而督課甚嚴午夜殘燈讀書聲與機杼聲相聞未絕也時戚族中有以業賈之策進者

寸草履霜書

卷三

四

四明叢書

約園刊本

吾母曰家雖貧學不可廢且先夫遺言無令此子失學若去而爲賈吾何顏以見吾夫乎卒弗許余聞之而歎曰人當困阨時計窮勢迫苟可以微錙銖之利而紓目前之急者往往不暇擇而爲之古今來失足歧途因而喪其所守者何可勝道孺人堅持義方之訓不以貧故易素業其識慮之深遠固有大過人者而肖菴亦能力學成名克自樹立以慰九原之望迄今孺人之歿十有九年矣肖菴追懷手澤以祿不逮養爲憾孺慕之忱久而彌篤記有之將爲善思貽父母令名必果至於事君

忠莅官敬朋友信戰陳勇廣孝之道足以塞天地而橫四海肖菴推不忘親之心出其平日所學竭忠盡以報國家利澤施於時功烈垂於後天下稱之謂非賢母之教不及此則所以揚親名於不朽者不且與日月爭光哉肖菴其勉之

長白盛昱

昔張皋文述其母夫人姜氏事略三十年困苦慘酷歷歷如繪惲子居歎爲至性之文今讀張母李太恭人行述何相似之甚也李太恭人余同年友肖菴給諫之母

才學廣博

卷三

五四明叢書

約園刊本

也年十七歸介菴贈公生肖菴甫十一歲贈公卒又十四年太恭人卒此十四年中所處之境流離顛沛皋文所謂賃貸得米爲粥而食者殆有過之無不及焉然衣履未嘗不完三黨親戚吉凶餽問未嘗不周書聲與機聲相和未嘗以貧故廢學又與皋文之母同之所異者皋文之母五十有九而卒其時皋文且已入詞林矣而李太恭人享年僅三十有九肖菴得科第居朝有直聲均在母歿以後當母在日求博一衿而不可得其述太恭人遺言曰吾望汝成名以下告若父今不及待矣何

其言之淒且切乎然則皋文所謂其可言者止此什伯於此者不可得而言也吾知肖菴固有同情矣雖然養之逮不逮天也非人之所能爲也名之立不立則視乎其自爲肖菴行峻操嚴立言能持大體都人士皆稱之曰君子人也其名今已顯於時矣他日所遇必有超越皋文萬萬者又何必以養之逮不逮爲戚戚哉余自不得於言辭官久矣世道日夷更有望於補闕拾遺之君子肖菴勉旃

宛平陸鍾琦

寸草廬詩話卷三

六四明叢書

約園刊本

鍾琦由蕭山寄籍宛平聞諸父老蕭山有汪氏徐王兩節母實撫龍莊成立龍莊念母氏劬勞乞天下能文章者表之彙所得曰雙節堂贈言集凡石刻通爲六十二石續集二十二卷今流傳於世當兩節母茹苦鞠孤之日固第望其子之成人而未嘗求有身後之名也及龍莊立身不苟能以孤子所繫甚重慄慄自防卒爲循吏而兩節母之名益顯然則人藉文傳而其所以傳者則固不在文也鍾琦春秋兩試皆受知於張肖菴先生先生述及母李太恭人苦節輒嗚咽流涕一日以行略示



且曰手編寸草廬贈言將付梓矣命鍾琦題之鍾琦不  
文何敢綴一語顧以先生十一歲而孤龍莊亦十一歲  
而孤先生立身行己一介不取有似龍莊文章事業今  
已過之而李太恭人之苦節與汪氏兩節母將毋同爰  
書此以報先生先生之意必有合也嗚乎松柏後彫歲  
寒乃知不幸遇此歲寒履之若素士大夫之所難而竟  
得之於巾幗天之昌其後也亦固其宜

寸草廬贈言卷四

男張嘉祿彙編

孫張壽鏞校刊

贊

同縣劉鳳章

易占坤道無成代終守義彌摯貽慶斯豐猗歎女師生  
長士族過庭聞教彤編有穆作嬪君子順宜家輔之  
翼之烝然不瑕逮居漆室檢誨幼孤機聲鐙景流傳畫  
圖春暉云逝蔚有淑聞圖經載筆綽楔

寸草廬贈言卷四

一四明叢書  
約園刊本

旌門令子秀發翔步闕苑歸美慈訓揚芬益遠

錫額教孝

贈典煌煌紀恩阡表上繼歐陽懿茲世範是母是子謹  
綴贊語以告姚祀

安陸陳培庚

昔江都汪氏武進張氏母夫人皆以節行著聞二先生  
所爲行述靈表沈痛鬱抑學子讀之常爲隕涕吾師鄞  
張先生母太夫人年十七歸贈通議公介菴先生歸十  
二年而通議公歿時吾師生纔十一年二女生各數年

太夫人勤鬻弱息搗持門戶守節又十二年而歿光緒  
乙未秋培庚省師京邸師衣冠奉黃紙方冊出語培庚  
曰此吾母節行述略須汝爲之辭容止悚惕泣隨語下  
培庚感痛至不能置對案狀太夫人姓李氏生道光八  
年六月二十三日卒同治五年五月十二日年三十有  
九時亟望吾師補學官弟子未酬而隕其後入翰林歷  
臺諫去太夫人之歿則已十數年或數十年當其生也  
深宵隱卹曾無未辟之緯御冬旨蓄但有不輟之藥繡  
線添弱女之課機絲勸學子之勤睢睢焉盱盱焉其忍  
多風遭遇

女學遺稿卷四

二四明藏書

續園刊本

饑而拚同盡號寒而歎且過者也迨夫寒谷謝景夜臺  
恩寵遂崇封號牖下季蘭之奠匪能食性諸姑墓門椎  
牛之祭不若君羹遺母雖復穠錦十稱薦醢百壺祇益  
鮮民之痛難慰地下之魂者已夫中年湮鬱晚歲疾疢  
甘旨逮存奄奄已迫百年追憶猶極至哀矧夫年不及  
中壽養不逮始有生有百憂之集歿無一笑之緣窮人  
之慕萬古無儔誰非人子能不悲哉謹述贊曰

烈日炎炎流金爍石重陰沍寒彫我松柏豈不堅貞天

爲之厄祗抵媿母冰雪之操來相夫子賢而有勞乃造  
虐疾治厥圭刀有責於天請以我曹荃不察余以有此  
旣白日方中瘴颺吹墮墮陰霾見星一火競是諸孤  
君其命我有瘋母身無貳兒心日出而作迄於宵深麻  
泉絲繭緗緇織紵有如不給益羈犀簪旣温且飽胡不  
鏗刻不見歐柳起於孤特纂織其文圭璋其德遂啓達  
人吾黨之則惟師學成惟母教行胡不壽者承天之慶  
積勞銷骨多憂燥精眠禱告沴宵兆匪禎與跼經方參  
苓上藥母曰已之非余所樂非母不樂念師之貧忍死

才華應請

卷四

三四明叢書

約圖刊本

待命何如其仁猗嗟女師慈惠恭儉珠圓無類玉方有  
檢捋荼在手樹蠶於心抗稜冥頑取煖沈陰曰卹其家  
曰緜其代三世單門一朝寢大

帝曰藉哉匹婦之誠寒泉冽冽傷我夷庚典瑞致命秩  
宗效旌有祠有闈以闡幽貞四明有山鑑湖有水吉日  
令辰遊子歸止佳婦在房諸郎夾尻亦有彌孫翩翩華  
綺不吳不揚遊於禮園孝乎惟孝文在百篇日月融光  
金石至教有蹤有容高秀是效節母之勤師氏之成永  
膺福慶子孫千齡

寸草廬贈言卷四

寸草廬贈言 卷四

四明叢書  
約園刊本

寸草廬贈言卷五

男張嘉祿彙編

孫張壽鏞校刊

頌

江陰繆荃孫

孺人姓李氏浙江鄞縣人贈武略騎尉振國公之女也年十七歸同里張介葦先生韶儀褻采令聞淑慝年甫及笄卽操家政時舅姑已歿憾不逮事歲時祭祀必誠必敬割肉之正以薦几筵卻蒿之邪以誠子弟點心之

寸草廬贈言卷五

一四明叢書

約園刊本

方咨於鄭慘之慘曼首之法得之廬諶之家固已四德是表九姻允洽矣自介葦先生卧疾至於屬續孺人藥裹親織鏡奩不啓仰天泣血頓地搏膺聆彌留之言若錐刀之刺耳撫伶俜之裔恍芽蘖之待枯蓋自乙卯之秋迄丙寅之夏十餘年中幽憂危苦屢經疾疢復遭離亂冰寒槩苦萃此一餐朝齋暮鹽懸於十指日慘慘兮在牖風蕭蕭兮向晨九幽之駭蹟不麗陽烏四序之推移欲刪春日迨至康伯學易迴非在抱之時曹毅成童能通續史之義而孺人已不及待矣孺人卒於同治五

年五月後二年郡縣上其事

旌表如例又九年肖葺成進士改庶吉士

覃恩敕贈孺人嗚呼

天語褒嘉藉慰匪石之節祭筵豐腆終傷陟屺之心荼  
孫與肖葺先後出長沙王益吾師之門夙訂知心旣聞  
懿訓謹援中壘之義爰序其事而申以頌曰

進娥翦髮正流圖形猗歟仙李奕葉扇馨綢躬淑慎立  
志貞直母具師資婦兼子職孰云卒哭何聞初終孰云  
學賈遂墜儒風綽楔門高柏舟詩苦載誦清芬式我士

下庫廬題詞

卷五

一四朝叢書

約園刊本

女

同縣范 沅

李太夫人者肖葺張太史之賢母也肖葺少孤貧奉母  
太夫人之教克有成立余交肖葺有年矣每當風雨過  
從翦燈坐譚肖葺輒述太夫人處境之艱訓子之嚴令  
人悚然起敬蓋孟母斷機柳氏丸熊不是過也同治丙  
寅太夫人棄養越二年有司上其節

天子旌表其門時肖葺猶童試服闋充博士弟子員旌  
佩庠不數年登賢書成進士入翰林而太夫人未獲日

暗顯揚惜哉皋魚風木之悲古今同感宜肖葬之每念及之而泫然泣下也雖然天所以報太夫人之苦節者亦速矣不揣固陋謹作頌曰

惟太夫人德繼瓊璜幽閑秉性曰嬪於張提甕操作舉案相莊胡天不弔遽稱未亡有子就傅有女扶牀茹荼咽檠懷冰履霜如持尺椀涉千頃洋如操寸緘初百裂裳機聲鐙影一室淒涼爲傳爲父教有義方子纔成立名噪梓桑慈母見背風木增傷劬勞莫報呼天旁皇爰述苦節上於明堂

甘肅通志 卷五

三四册藏書 約開刊本

天子曰俞宜錫寵章門旌綽楔潛德用彰未越十載孤子騰驥科甲聯捷泉臺焚黃惜乎母賢未覩顯揚我溯母儀莫如歐陽教成大儒阡表瀧岡母也儷之卓哉煌煌彤編紀盛臣乘流芳明山蓋高雨水蓋長山摧水竭徽歟難忘

同縣徐甲榮

光緒三年九月八日同年張肖葦庶常奉其母太孺人神主崇祀府縣兩學節孝祠於是太孺人卒十二年矣冰絃罷奏尙流別鶴之聲丹旆榮衷彌軫孝烏之痛諷



匪我而雪涕念畫荻以增哀燧穀易遷音徽未沫夫甘  
泉繪像宮闈式金母之型絳幔傳經樽俎配宣文之享  
類皆女宗足法坤則永昭況占大易苦節之爻宜補劉  
氏賢媛之傳謹按太孺人姓李氏贈武略騎尉諱振國  
女也系出將門習詩禮之訓幼嫻姆教符德象之篇年  
十七歸贈公儀成反馬夢警飛蟲產劍浦雙龍剩平原  
一鶚而乃文園善病叔寶常窳房中之瑤瑟方調天上  
之玉棺遽下太孺人磨笄匿慘截髻銜哀捐三鎖於蕭  
辰背孤鐙於獨夜湘江之竹無淚不斑巴峽之猿有傷

才車康順

卷五

四四明叢書

約園刊本

皆斷天平太酷命竟何如時肖莽裁十一齡耳任彥昇  
之云亡疇恤厥子魏陽元之尙少屢依外家太孺人壘  
而當門孱焉持戶重泉奄逝爐無可鑄之財半畝生存  
室有不環之堵困申亥而不食呼庚癸以誰諾則有謂  
貧家力賤來日大難此子也才勿貽孺冠之誤無父何  
怙宜從賈客而遊生也有涯時哉勿失然而仲由媚學  
不礙負米王充倚肆究妨讀書醴泉無源弱叟可教爰  
乃三遷之擇慎厥始墓入行之敦企乎先正

宋史越王  
父旌爲人

行高

善此貽謀之遠謝彼逆耳之談蓋威黨中有使肖

葦學計然術者太孺人堅勿許燈邊課讀續五夜之雞  
聲榻右舍飴和一丸之熊膽脩脯之費出自笄釵蠶殮  
之謀成於織作擷蘋澗曲概散謹季蘭之尸到薦閨中  
庭除紫范達之馬每愁棘手曲悴萱心辛壬之交盜賊  
斥郡青嶺肆虐蒼鵝應災輾轉移家倉皇避難嗷嗷吾  
子艱鹽筴之二升契契孀嫗袒裋襦以八襪晨炊冷突  
每薪稱粒數以忘勞夜績寒篝至漏盡鐘疏而弗倦逮  
妖星之既滅益家計之蕭然拊擋嫁衣鄭重快婿之擇  
料量聘幣艱難佳婦之謀莫不憂從中來識空上咒念

藁礎而增痛坐窶室以長號苦志能貞沈疴遂棘以同  
治丙寅五月十二日卒於里舍春秋三十有九嗚呼荼  
檠之味雖苦而能甘葱施之心屢拔而亦死青天已老  
碧海無歸閔二載得旌如例淑風廣被如登巴貞婦懷  
清之臺名山後隆待述鄭太君瀧岡之表今者肖葦甫  
筮皇途初登朝籍書名蕊珠之榜馳譽金馬之班得遂  
顯揚倍殷孺慕泉魚洵涕澗孝水而不波萊國壯游望  
慈雲而無影昊天罔極之報邀綸綍於九重閨禮不朽  
之名歆鯁劔於千載甲榮獲交子舍景仰母儀公瑾趨

堂壺範之親承在昔范滂讀傳德音之流播彌馨當金花錫誥之時爲聖室椎牛之祭感孝思之不匱券福報以無疆敢布几筵用伸神誥頌曰

猗歟孺人儷德珣璜嬾於望族扇徽篴篴舞鏡停鸞止屋號鴟遽失所天空幃獨活喬松旣頽抱母有蒿入室銜恤殫厥劬勞母氏劬勞九泉亦靈慕女程嬰師婦荀息蓮心辛苦竹實離奇偉哉巾幗擔拄門楣露委蘭陔月明華表反哺無時奈此烏烏烏而烏烏繞樹哀鳴茹荼集蓼鬢生平母以兼師恃而亦怙虞潭能文宋逞

寸草廬贈言

卷五

六四明叢書  
約園刊本

稽古學在蒙養教惟始孩青雲有志直上強臺墓草萋萋川原膺膺歸瞻馬鬣更聞相杵賢聲在野恩命自天銘鏤玉版冕耀彤編碩靈不遐雲車飄忽豆俎千秋酬茲貞節貞節之後鬱爲鼎門永世無斃有燁清芬

寸草廬贈言卷五

寸草廬贈言卷六

男張嘉祿彙編

孫張壽鏞校刊

誄

鎮海孫 瑛

翳昔湘靈淚簣露泫斑紅仇母機絲霜凝縑素矧卷施  
之根委翳慈竹之蔭露澆金護徂華玉堂啓秀雖封題  
綽楔已含笑泉臺而血漬萊衣益增獻梓舍已我張年  
嫺伯母李太孺人鄭故贈武略騎尉振國公女也年十

寸草廬贈言卷六

一四明叢書

鈔園刊本

七孀於張徵懿德嫺柔嘉軌蹈有齊之季蘭惟敬矢死  
之共姜靡他以同治五年五月十二日溘逝春秋三十  
有九越二載大吏入奏節孝得旨旌表龍蛇夢屨鸞鶴  
孤栖珣佩瑤儀冰絃雪窖嗚呼哀哉且夫巴家臺築丹  
穴難營范滂書傳青鑑篤課千鈞負擔六尺憐孤羊餽  
束脩鍼神是藉龍出藥骨質庫與謀儻使桓煖假以天  
年杜顛早登進士則畫荻而垂教當食蓼而回甘而乃  
久緇寡鵠之絲已燹枯魚之肆白蜺嬰弗一旦橫飛烏  
鳥私情九京悱惻嗚呼哀哉特是款冬之華經霜彌茂

幽蘭之氣蕪火猶香今上御極之二年肖莽同年成進  
士入翰林敕贈皇妣爲太孺人龍章雲漢象紘山河宜  
撰德於素旂庶圖芳於青簡瑛聞親桑梓誼託葭莩聖  
善慕深清芬式誦夫幼不誅長禮經之愆當遵而實不  
誅華先哲之言可述遂作誄曰

金玉句餘冰雪姑射霜娥青絲星髮白石發儀靈粹毓  
秀貞純珍鏘瓌飾蕙纒蘭紉酒漿菹醢織絳組紉道德  
仙媛孝友來嬪魚芼蘋蘩爵弁纒墨太妣徽旨碩女令  
德婉婉母教柔順坤則纒笄醕否髮髦靡忒降此鞠凶

才華感贈書 卷六

一四明叢書  
約園刊本

不弔穹昊末命彌留遺孤保抱觸撻乃逸播畚厥考梁  
摧哲萎心灰木槁蕭蕭風勁凜凜寒切霜淒夜降冰漉  
晨結靈宇像瞻屏幌燭設銜恤慙傷拊膺悲絕提孩牀  
垂熒疚幃房眷秋惻愴形影荒涼榮華颺折傾葉露灑  
日暖掩晷月皎飛光綺扉白望錦幕素幃死生契闊精  
爽憑依壽堂唳鶴靈輶駢霑霖涕泗結軫歔慕慕韓  
杉丸景侯織絳越羅蜀錦瓊尺金鍼紅缸星燄碧幌風  
侵咿唔雪案鳴軋霜砧蜻蛚階砌蛻蟪牆陰孤鴻翔渚  
明蟾照林恭儉義方詩書令器布葉華崖飛藻雲肆朱

跌笙歌丹詔綸賜寸草暉春風木椿墜蘭咳煙凝松阡  
雲被彤管芳徽黃泉孝思嗚呼哀哉陟彼祀兮晦澹  
霜青楸兮露紅蘭庭樹驚兮烏夜號金枝爛兮玉剪寒  
純孝擗其如慕勞心摧其同樂誦蓼莪而迸淚飲柝倦  
而永歎蕙肴徒藉菽水豈歡養堂珠服幽窆玉棺劬勞  
莫報鞠育恩殫嗚呼哀哉鸞書寵錫鳳詒祉膺悽愴焄  
蒿潔蠲享蒸穰璇闈以縷抱被玉署以錦綾望白雲而  
親永訣捧翠軸而帝靈承嗚呼哀哉痛罔極兮呼彼蒼  
邈神遊兮歸太素瞻廣柳而遭迴奠龍帳而顧慕鶩素  
騏於輕軒翩丹旒於遠路賚蔡帔兮未逮存蒙鄭被兮  
慙鬱怒悶馬鬣之崇封悵魚軒於大暮規四珍於楊閨  
悲三徙於鄒墓詠葛覃而誓柏舟慟蒿里而傷薤露世  
兔走而烏飛道蝸翼而蛇蚶嗚呼哀哉黃腸題湊玄廬  
鐙煖梨山雪聚蕙江淵渟葳瓊蕤兮蘭比潔振玉穎兮  
蒞流馨播母儀之懿範釐女士之芳型乘迴風兮駕雲  
駉瀧岡表兮妥先靈嗚呼哀哉

當湖葉廉錫

懿夫節孝系出隴西降芬瑤闕毓秀璇闈佩觴飾象盟

櫛鳴雞勤脩內則待字初笄騎尉相攸風姿張緒雁奠  
輪周鴻莊案舉棗栗虛筭藻蘋實筮瑟好琴耽百年儔  
侶胡乃四七遽隕所天菊摧素節檠茹青年呱呱繞膝  
矻矻仔肩以養以教俾至成全素清貧曷以爲養并  
曰晨炊篝鐙夜紡丸熊補羸券蚨療恙母氏劬勞幼孤  
遂長雙珠竝潤片璧尤珍脈延三世髮繫千鈞仇機勵  
子俞杖感親顯揚繼述助我後人有子光家詞林供職  
綽楔邀恩銘誄表德昔館甬江契聯翰墨謹誌管彤母  
儀永式

華陽吳祖椿

夫四珍挺譽必原楊母之賢七子敷聲聿頌秦姬之行  
矧乎哀同寡鵠子守孤雛甘茹檠以明貞景折蓼而媿  
烈楹書有付願克慰夫九京黼祿空增養未親夫五鼎  
若張節母李太孺人者洵爲志亨而命嗇名苑而境枯  
者已太孺人系出將家夙鍾勁節性嫻姆教載播清芬  
以幽梱之女宗備高門之婦德奉杵薦孝室有怡容雜  
佩襄吟家無肝食昊天不弔胡殞所天慟末命之載揚  
櫛藐孤之失學太孺人露紵晨龔磨笄晝號鄭重羸經

便授韋賢之業淒涼總帳卽垂董子之帷母也兼師恃  
而爲怙每至晨檐霜重宵壁鐙沈魚目醒秋熊丸咽夜  
丸蘭著戒佩鷗之戲必懲夏楚收威投稱之傷罔恤甘  
儒冠之槁餓不使陳貨殖之書恐秋弈之紛心不忍示  
維摩之疾卒令河東驥子延芳裴氏之宗池上鳳毛著  
美謝庭之俊官誇內相榮擅詞臣然太孺人已不及觀  
矣慈雲蔭輕寒燿暑促同治五年五月十二日以疾卒  
於里嗚呼哀哉傳經有子慰玉樓赴台之心養志無期  
渺石窳受封之幸天蒼蒼而誰問地搏搏以難呼祖椿  
於肖葺幸忝同年飢聞懿範雖幼不誅長聿著禮經而  
德可述尊克援古式敢附選言之義聊爲錄行之徵遂  
作誄曰

畫灰勵學隔幔授經懿與賢母與古侔馨維母之生幽  
貞植性令德瓊淑冲懷淵映自歸鼎族爰慶宜家六姻  
步萬九族承華生胡不辰柏舟遽賦比翼華離垂鬢孤  
露屬纊未寒牽衣爰託顧此熒熒不學將落母也銜恤  
泣血飲冰身膺衰經手啓緘膺一樽陳庭孤檠照幕哭  
有晨昏課無昕暮懼以荒嬉園子之習治疴忘痛受杖



任泣慮以遺厲攫子之心卧甘嚙被起不撤琴孤發宵  
緯寡女秋絲資爾膏火敢憚操持南陽行商西州大賈  
守爾縹緲奚云華廡先民有言惟貞斯壽風疾草勁霜  
嚴筠茂嗟乎賢母胡不百年恨彌滄海景迫虞淵璇樞  
掩芒靈壺駛箭戚鄙慚悽煥發悲胸嗚呼哀哉疇昔之  
艱繁母是營胡丁其悴未享其榮疇昔之學繁母是導  
胡瘁其力未食其報交交黃鳥載好其音百身可贖子  
慟彌深蓼蓼者莪匪莪伊蔚萬鍾可養母齡難暨嗚呼  
哀哉兼金在鎔太璞受琢粲粲門子名脩行連椒燭馥  
烈膏燼光留榻柎七尺綽楔千秋懷清之臺瀧岡之表  
古往今來貞徽皎皎

同縣張崇溥

節母李孺人贈武略騎尉振國公之女贈翰林院庶吉  
士介葺張公之德配而我同年肖葺庶常之母也芷蘭  
擷馨冰玉儲潔鮑車梁案璿閨婉婉之情歐筆柳丸黍  
室劬勞之況揚徽音於梓里咸誦懿芬證慧業於蓬山  
遽歸兜率瑤島掩而白雲黯總堂扃而明月孤以同治  
五年五月十二日卒於內寢年三十有九嗚呼哀哉繁

昔懷清築臺孝德署里道踐陰教允宜書以管彤門標  
女宗是用樹之綽楔蓋孺人卒後二年得請於朝始旌  
其闕焉又九年以其子貴敕贈孺人英翹玉樹慰廿載  
之茹辛榜揭銀花想重泉之含笑教易簡而成令器允  
稱女師畫甘泉而敬遺容定荷天眷幽光闕後將傳之  
於無窮柔翰濡時敢闕焉而弗述緬茲坤範示厥誅辭  
誄曰

景維母儀坤則孔昭內醞徽燄外敷芳標太和在室飢  
饑旃韶宜享遐福不謂實彫絜母之賢桓孟與倫璇水

古直虛贈書

卷六

七四明叢書

約閣刊本

濯慧蘭漪稟芬禔躬嚴正煦物慈仁卓著遺範光啓德  
門絜母之節倚楹神悼琴篋鍊志松筠礪操寒耐冰清  
潔伴雪鶴歿見夫子執手相勞食貧有味十指是營箴  
紉畫課機杼宵鳴羹藜飯糗裙布釵荆克勤克儉歷久  
弗更教子有方束以軌範課讀織紉葺牆閉坎廬江訓  
識渤海恭儉一笑瞋目學成無忝兒學旣成母德亦彰  
旌門珂里釋褐玉堂泉臺慶慰天路迴翔崇阡用表媿  
美龍岡

同縣柯錫圭

在昔柳母勸孤嚼丸以課伯俞受教捧杖而啼智伯佩  
訓於斷葱永叔懷慈於畫荻從來賢母類生偉人必有  
義方乃成國器如我張伯母節孝李太宜人嘗詢有光  
於史乘足式於閩嶠矣太宜人華宗誕粹師氏導儀蕙  
質自芳筠心夙稟錡湘季女能繫蘋蘩校舉高賢半供  
蔭尤洎乎石麟露角纒及髫髻之年寡鵠傷心遂抱嫠  
婦之戚呼天莫應入地欲從悲矣而太宜人以為殉夫  
捐生者烈婦之所易也撫孤成立者古人之所難也於  
是撤瑱毀容易書剪髮艱難百藥典寒歲之衣幫冷淡

一篝課深宵之經史翹母之傾笥李母之掩錢陶母之  
截髮留寶雷母之織紵為業靡不運心嗟苦棘手殫勞  
已卒使孤兒奮志才子成名雲路高鶩強臺直上誦詩  
解帶莫忘談室之憂通籍彈冠遂步蓬山之頂雖長安  
囊粟未逮養於生存而詔院金花方被恩於地下得不  
謂慈雲垂蔭苦節回甘哉錫圭初交子舍已屬慈幃冰  
榮之姿徒瞻遺像風樹之慟每感舉魚能識貴人緬彼  
王珪之母克生令子懷哉齊賢之親敬寫素旂以附彤  
管誄曰

於惟賢母作嬪請河蘭泣爭絜珩珮式和柳下早誅柏  
舟興歌保孤心粹教子勤多保孤若何三傳一綫總角  
伶俜孱軀婉變病謁醫巫飢謀飲饘既悴縫紉亦罄衣  
釧教子若何心慈貌肅夏楚戒嬉秋鐙課讀增美璫與  
療飢卷軸文價千金淚珠十斛俸不逮養維子之悲德  
必獲報維母之遺振策鵬路鳴珂鳳池榮及泉壤雖遲  
勿遲虞潭之母能以節義易簡之母成此令器母之嚴  
明詎遜賢智松柏可凋竹帛無媿

同縣范多璘

寸草盧贈言卷六

九四明叢書

約園刊本

振振夫人有德有操璇潔冰清參差采芼畫荻書工殷  
殷教導積善若斯胡天不報母儀夙仰令德孔彰寒閨  
獨守鏡裏鸞亡柏操勵節彤管流芳卓哉綽楔字字輝  
煌苦志不泯芳澤難留篝燈光掩刀尺聲收蘭萎筠闕  
鬱鬱松楸貞珉永勒窳窳千秋仁淑性成篤生令子龍  
章曩賁介茲福祉猗歟罔匱於昭不已阡表瀧岡淚渾

銘誄

寸草盧贈言卷六

寸草廬贈言卷七

男張嘉祿彙編

孫張壽編校刊

連珠

同縣凌忠鎮

蓋聞飲水測源洛學基叱羹之訓登枝求木歐文肇書  
荻之時是以揚史成彤管之徽傳編賢母中翰苑青錢  
之選迹奮孤兒

蓋聞詠葛覃無斁之章澣濯親肄誦蘭尸有齊之句筐

寸草廬贈言卷七

二四明叢書  
約謝附本

笥敬盛是以年十七而于歸家故貧而躬殫勞勤禮三  
干而克喻養未逮而祭極精誠

蓋聞英風頓盡張融深慟阿兄孤露誰依李氏獨攜弱  
子是以痛所天之怛化強起撐持問何地以埋憂靡他  
永矢

蓋聞仇氏之義方足式廢書斷機蘇家之政績堪銘束  
禮成教是以心常茹檠遺言謹誌於館捐手自折葵長  
跪教成於苦次

蓋聞親喪固所自盡隱匿情乖子職難免無常功名意

厚是以詰嗣熒熒在疚此時惟有椎心使君眷眷垂詢  
後歲哀然居首

肖算太史丁太夫人艱不獲赴童試郡尊  
邊公嘗問及之重其行誼後科府試拔

取第

蓋聞甘臨叶吉本禋祀之有徵苦節能貞實報施之不  
爽是以旌表則焚黃埏道綽楔羣瞻揚則紆紫巖廊  
絲綸世掌

寸草廬贈言卷八

男張嘉祿彙編

孫張壽鏞校刊

樂府

黃岡洪良品

烏哺雛

肅肅庭前樹上棲雙老烏顛風齧危巢雄去雌哀呼哀  
呼一何苦憫茲待哺雛雛飢餉汝食雛病翼汝癯汝翼  
尙未長予手日拮据天寒手凍僵驚子力已劬望汝眼  
流血毛羽口以舒一朝化鳳凰高飛凌雲衢樹靜風不  
息景邁無須與眾鳥皆有託嗟我生何孤盈盈太倉粟  
粒粒如明珠孤雛飽欲死返哺我則無落葉下流水不  
得還根株海枯石可爛此恨徒區區

山陰潘 遜

詠柏舟詩披中壘傳節母之節世罕見

一解

兒啼飢母

心悲兒號寒母力單雪夜霜晨當戶織兒讀未終母不  
息

二解

兒學成兮告我夫兒名成兮徒號呼冠蓋之榮

兮不能逮母軀門閭之旌兮母見無傷哉貧也聖賢之  
所痛兮而況今之人乎

三解

靈旗往來懷清之臺椽筆

奇瑰脩史之才榮親之名孝未至男兒尙有擔當事蟠  
天際地三不朽一笑焚黃告節母 四解

鎮海陳聿昌 忍須臾一篇篇七章

貞木不凋霜風來摧折是母心咸豐五年死母曰身且  
死吾忍須臾身死 一解 遲此須臾日兒猶未似我長兒

讀讀道德兒讀讀文章痛夫末命哭夫發夫青箱母不  
知書但課兒讀兒毋荒 一解 篝燈焰微鬼車夜啼魂來

視兒雙瞳枯忍若瞑若瞑哀腸寸寸斷母機 一解 母

鍼拊兒讀書兒書未充腹合家四口飢虛嗚呼飢虛兒

甘肅盧馨 卷八

一四明叢書  
約園刊本

但攻書不負子食子指血子血有餘 一解 血枯乾且癢

母也精殫力殫養兒束脯喜兒承歡非此承歡兒能成

立夫心安翩翩儒衣冠安得與夫觀 一解 晨燈夜燭觀

兒意何屬公卿慙長廝養古來卓卓倉頡作字天地哭

腐天腐地腰玉一束母曰噓書有毒 一解 讀書爲忠臣

讀書爲孝子國家取文道在是他日顯揚兒學能辦此

祿養萬鍾迎兒俟同治五年五月十有二日止母曰吾

事畢矣下從吾夫身請死 一解



甬東有賢母生自武略家世系溯唐宗令德屏紛華十  
七歸於張相夫奉蒸嘗辛苦十餘年所天資志亡當其  
易寶時忍淚指孤兒三世恫單傳單傳某在斯善撫所  
生子攜持在後死願君毋過哀責任非凡比伉儷既分  
飛門戶復單微勉聽外家言勤理室中機寒鐙青熒熒  
課兒讀遺經家貧少儲粟刀尺聲無停不聞讀書聲呼  
兒對銘旌兒愴母何望望汝膺科名經商利雖厚遺言  
得毋負兒讀母心寬操勞仍并日果然兒名揚名揚在  
玉堂賢母未及見繼志願能償爲文告幽室紀事述其

守孝履歷卷八

三四明叢書  
約園刊本

實播聞士大夫年家子深悉勿謂天茫茫賢母後必昌  
勿謂古無徵孔孟及歐陽聖朝德教隆節孝褒旌崇作  
詩摹古音將以待采風

同縣洪應祥 孝婦難并序

欽旌節孝孺人肖莽張太史母也肖莽三世單丁九  
歲失怙母處家運絕續之交飢寒又迫之卒能以女紅  
所入以養以教撫肖莽成立苦節純孝於孀難已肖莽  
聯捷入翰林母棄養十二年矣肖莽念祿養之終虧痛  
罔極之莫報袖母事略徵詩恭擬古樂府意成孝婦難

八草題後

我友與我科名後先相追隨我與我友同是少年無父  
一孤兒無父何成立無父賴有慈母慈一解我有老母

迎養力不舉歸養母不許一官辭母去臨別涕如雨何  
況我友望望白雲哀哀終古同是孤兒無母更苦二解

孤兒忍不讀少年書阿母教兒讀書望兒成立孤兒忍  
讀少年書一讀一淚一淚一血兒忍憶兒幼逃學阿母

且責且憐悲哽啼泣三解宮錦榮華天上歸孤兒淚痕

雙袖滋昔日阿母扶病強起兩手顛顛縫兒身上衣史

甘肅賸言卷八

四四明叢書

約園刊本

官清俸兒自食阿母不得飽一粒昔日孤兒兄弟姊妹

一家都食阿母十指力四解阿母艱劬胡爲乎三世一

脈此藐孤吾保此藐孤吾死見吾夫見吾舅姑五解孝

莫難於保三世將絕復續之宗祊孝莫難於保三世將

絕復續之書香六解天生我友節婦孝婦爲之母天念

張氏祖宗積德厚天許母千辛萬苦養其兒天不許兒

一日千載養其母造物報施之道無乃謬七解天道有

常變孝思無幽明我友學問守母訓德業揚母名阿母

地下歡笑死猶生八解

同縣趙佑宸

穆宗御宇之七載句甬郡縣長吏被尙書命旌表節孝  
張氏門嚮巷喁喁走告額頌天子恩中有黃髮老姥世  
世張氏比鄰嗚咽不能語良久揮涕言騎尉李公女年  
十七來嬪尊章早見背不得奉雞豚節衣縮食相夫卜  
牛眠蔬筍瓜果祭祀必謹必虔張氏三世丁單幼者殤  
長者存雌者更雛稚但能啞啞笑懽歲在旃蒙單闕二  
豎惡作劇來苦郎君郎君瞑目下歸黃泉撫孤有遺命  
不敢殉以身嚴慈禁哀毀飲淚吞聲殯前笞兒廢學斷

杼同其賢遺茲一塊肉不得從賈懋遷但當讀書成名  
慰考地下魂兒病母心痛篋中簪孺質錢西市市藥東  
祠禱神母病自諱匿不肯損脩脯縉手中鍼刺弗輟甞  
勉供殮餐口出樓東隅紋線雜淚痕日入樓西隅刀尺  
鳴琅然家祭有魚菽女贄有棗榛六親斂手歎賴此未  
亡人爲兒聘新婦孤桐猶望孫結褵不逮見溘若朝露  
乾女亦未及姻兒亦未及婚秋蟲食荼蓼忽忽二十年  
儂家近咫尺晨夕見苦辛姥言罷復泣路人皆霑巾今  
皇嗣位之三載句甬郡縣長吏各各齋牛酒往賀翰林

張氏門衢巷隅，喁走告額頌天子恩。中有黃髮老姥，世世張氏比鄰。榮寵若相共，抵掌誇其羣。此母操行松柏堅，慈竹垂條餘蔭繁。委化將一紀，兒今作貴官。鳴珂入禁闈，還鄉乘華軒。朝廷追贈命婦，敕中書降綸。蒼天福聖善，捷於轉轂輪。指日八騶呵殿，持節巡行郡國光。耀及海濱，姥言罷復笑。路人爲開顏，客自故鄉至。示我姥言悲，與欣我舊職。太史珥筆載事，敢不勤毛萇授詩。得高弟

太史受業於毛生琅

三復彤管揚清芬

寸草廬贈言卷九

男張嘉祿集編

孫張壽鏞校刊

古今體詩

壽州孫家鼎

大雲發慈蔭枯荑日生長哀節母心十載猶一晌張  
君金門彥琛采瑩珍壘每述賢母行淚下不可仰苦節  
逾割臂勤教曾焯掌昔讀充公文懿德信符夔我願持  
語君大孝非及養勵此琨玉姿足以慰泉壤風木悲無  
盡蓼莪篇可廣三復更漣洏令人感書杖

寸草廬贈言卷九

一四明詩書

約園刊本

同縣童華

清河有潛德垂裕不可量三世衍單丁宗衰急須亢君  
子虬龍虵戚里其悲愴遺孤尙羈絆升斗無蓋藏地道  
代有終吁嗟賢母仰

賢母出名門蟠根溯仙李箴管嫺婦功蒿簪佐君子未  
逮奉舅姑采蘋潔禋祀鴻案每相約啓後用書史食貧  
十二年悲風總帷起

黃鶴棲枯桐哀鳴發庭隅十指刀尺聲一日薪米需有

時爲斷機失學尤所虞劬勞一紀中集蓼茹其荼兒女  
漸成立岫岷白日昃

貞下必起元遺志定知慰三年祥瑟終婚嫁願都遂不  
負畫荻心倖以文字貴孫子竝岐嶷家室苟完備能使  
悴者榮何一非積累

遺嫩志乘傳鄉邦借輝耀朝命爲旌褒亦足酬貞操惟  
是寸草心終莫春暉報竊聞古名臣類能崇母教久久  
貽令名九京庶含笑

臨海馬彥森

寸草感題詩卷九

二四明說書  
約園刊本

張子有節母食荼如甘飴苦節三十載門戶一身持十  
七賦于歸舉案齊其眉雞鳴鄭姬警藻潔季蘭尸釵荆  
兼裙布同心期倡隨胡忽起罡風玉樹摧其枝子弱女  
又幼熒熒憐者誰三世只單丁遺訓猶在茲勉旃撫遺  
孤飲食教誨之一家有數口十指爲療飢辨色事鍼滌  
夜半猶不辭祇此女紅勤佐兒歲從師督課無寒暑爲  
兒厚所期有時典衣物勿使兒或知常恐兒憂貧誦讀  
分所思昔歲母患病苦無藥餌資死生云有命不假參  
苓爲況經兵燹後饗煢恆不支至誠動天鑒履險乃如

夷滄桑歷世變筋力忘告疲賢哉節母節更兼慈母慈  
兒云不逮養莫遂烏鳥私烏鳥昔反哺今爲鳳來儀顯  
揚榮其親待從在丹墀天語旌綽楔鸞誥銜仙芝母心  
此已慰兒心勿復悲

吳縣孫 憲 并序

讀肖菴太史所撰太夫人行略肅然以敬愀然以悲家  
淵如先生有言彤管不朽壽於期頤中閨飛華榮於綸  
翟敢述其意以慰孝思言不尙華庶明風烈

我昔爲節令知子有文章子來投我文如元圃夜光郢

三車廬贈言 卷九

三四明叢書

續圖刊本

握不專翫一日升巖廊高第如摘髻盛事喧膠庠詎知  
先澤厚慈訓標灑岡去歲子謁假卜云先兆臧長懷母  
氏德揮淚不可詳兒生逾十齡閨棺證黔康未知孤兒  
苦嬉戲慈母傍一經乃世業母言兒勿忘簪鏡執刀尺  
和此聲琅琅中更流寇旤母子相扶將母病兒不知兒  
病母傍徨兒身日以長母心日以傷一世茹冰檠百憂  
中膏肓不見兒學成臨終淚承眶獨抱寒泉感自致雲  
路良痛不及親在語罷心摧藏吾聞古大孝立身爲顯  
揚科名以人重家詩留餘慶抗晞樓與袁志節行煒煌

豈惟邑乘重永流惇史芳

侯官楊叔懌

兩閩重節孝苦志天終酬顯揚孝子事不於窮達求熊  
丸夙稱柳畫荻古傳歐大儒稟母訓不朽垂千秋哀哉  
清河子三世塊肉留慈母兼父師督責日夕愁兒長勸  
學買家風儒素羞兒讀苦無資十指女紅謀兒病求醫  
藥衣裳篋笥摻兒學偶作輟夏楚懲嬉游廿年母心瘁  
日進欣竿頭母恩苦未報母病忽不瘳號泣呼蒼天兒  
罪擢髮浮成名不及待遺語淚紛流兒身登館閣母骨

寸草難贖書卷九

四四明藏書

約園刊本

歸山邱衣錦拜墓門永憾悲松楸無以報罔極表揚期  
闕幽陳情述母德錫類施皇猷九重下旌褒封誥恩綸  
周持以答母心九原母知不祭豐輪養薄瀧岡情何侔  
子少失怙恃童時曾依劉祿養親不逮富貴如浮瀨共  
君保令名勉旃天爵脩孟鄰與曾杼母教今罕儔士則  
希聖賢孺慕終身由聖朝以孝治文行惟兼收古訓敦  
爲大守身無愆尤行矣勤遠謨揚乃前人休

同縣陸廷徽

吾鄉高節義義勿辟險難烈風標勁草霜雪挺貞幹卽



在女子中亦或一二見清河有賢母系自隴西衍作配  
奉政公偕隱愜良願舅姑不逮事恆陳牖下奠祭則潔  
蘋蘩葬則鬻釵鈿所期歌偕老不辭食貧賤何意中道  
乖運屢地天變內無贍石儲外無戚族援勞勞遺一子  
年方在童丱誓欲以身殉轉寸腸斷顧念易贖言當  
傳范喬硯有子幸成立地下目應瞑送兒朝入塾暮復  
倚門盼貧家一盃燈還照讀書案兒讀母則織往往聲  
達旦持此尺寸縑藉以易一飯傾筐倒篋餘尚足供補  
綻卽今萊子衣猶是慈母線侍御奮孤苦起家入詞館

寸草虛暉事 卷九

五四明叢書

約園刊本

直節歷諫垣號爲天下健埋輪都下亭折檻宮內殿在  
昔豐與陳抗疏劾京貫亦越楊與張丰采百僚憚侍御  
紹前徽敬止仰邦獻抑亦母夫人服教夙所劬是母有  
是子史書之所歎卽看范滂母亦入黨錮傳義必爲其  
難道在守吾困不激亦不隨豈計免憂患謹書賢母規  
用作諫臣勸

鎮海王榮商

矯矯張侍御清節爲世儀中夜獨起坐追念爲兒時兒  
年甫十一蠶椿忽已萎有妹更稚弱撫育賴母慈衣履

母所治饗殮母所尸兒煖母常寒兒飽母常飢行時兒  
逃學流涕施鞭笞或勸兒習賈宛轉相謝辭兒病母如  
傷辛苦延良醫母病不自言恐耗游學貧兒名未成立  
母病已不支悲風一以起承歡永無期兒孤母爲撫兒  
貴母不知食祿不逮養富貴竟何爲聖恩固浩蕩綽楔  
光門楣正使旁觀歎彌增中心悲我聞侍御言惻惻有  
所思小人幸有母苦爲微官羈親在不能養後悔其可  
追述君節母事涕下如綆縻

番禺潘譽徵

寸草虛贈書 卷九

六四明叢書

約園刊本

勵學伊古難蹉跎苦無識寒飢與溫飽皆足銷晷刻紉  
綺雕華年盤飧竭棉力盛衰繫其逢志節鈞自抑況乃  
形影孤怛焉事姑息第令續宗緒不學且云殖磊磊丈  
夫心託辭尙文飾鮮矣慈幃中莊嚴義形色張子掇巍  
科聲華耀鄉國緬維母氏賢吁嗟述先德生年未周紀  
藐孤慘罹極臨絕音琅琅執手吐子臆一髮懸千鈞先  
靈實憑式詩書作門戶無使叢榛棘曩者奉先孝治內  
素循職茲言苟無墮成家惟汝翼母也失所天終歲役  
蠶織匪惟備饋粥聊以資翰墨兒勤笑口開兒嬉淚痕

溼鞭笞不苟容引蹠增酸惻以茲勵志氣弱質稍能植  
願駐三春暉嘗之五鼎食毋勞眾咸歎母病願獨匿候  
纏風木悲天平奪奚亟伶俜餘弱妹敦紡嗟何得婚嫁  
越歲成音客悵同憶幽光不久闕綽楔輝堂闕賤子繼  
登朝推恩承帝敕柎棬歎遺澤嗣訓彌千億待將勒貞  
珉庶可紆結轡粵稽古哲人母教貽世則運屢無替勤  
表阡能紀寔士行鎮邊荒永叔匡朝側髫齡秉慈訓垂  
老如戒飭今子居承明天姿挺殊特大業竣磨礪羣才  
矜拂拭立身懷所自瞻望祀猶陟祿養烏可追歛歔常

寸草廬贈言卷九

七四明叢書

約園刊本

引慝我來慕風徽規子不能默努力踵前脩揚名被方  
域

萍鄉喻兆蕃

并序

吾師張肖菴先生出其先太夫人事狀再拜而告兆蕃  
曰余以薄祐夙遭閔凶天覆旣淪俯憑坤厚豈悟盛年  
忽見孤棄追錄行實飲憾無窮子能文盍爲我傳之以  
永有延也兆蕃自維固陋受知於先生深不敢辭謹爲  
詩以紀其事

披函讀范史區明遺管彤煌煌列女傳幽操何雍容魏

晉侈爬羅稱述多異蹤豈知門內行賢聖維常傭冰炭  
試百險風軌千秋崇四明張夫子母教廬陵同捧傲慕  
毛義表哀嗣興公自云年十一陟岫起悲風慈母重遺  
令勗學發童蒙荒志偶嬉游牽裾跪殯宮嗚咽敦誥誠  
血淚吞猩紅門祚悼孤微室如懸帶空死者旣已葬生  
者將焉終曉起立庭除勤脩刺繡工午夜風聲厲刀尺  
潛與通就傅仰脩脯食貧資釜鍾哀哉鬻子計十指濟  
其窮咸豐天下亂劇賊潢池訖轉徙干戈內流離劬病  
中一朝邁沈疴恤後忘我躬憐子筆舌力廢此稊苓功  
悠悠十二年百苦交磨礪彼蒼胡不弔我蓼亂蒿蓬今  
博升斗祿曷慰冥漠恫欲養無及待負疚彌清穹我聞  
長歎息古義重三從王閭殷厚望孟杼結淵衷程嬰不  
負託地下欣相逢婦道猶臣道幽誼燭鴻濛百拜誦清  
德秉筆慙蔚宗

慈溪趙家薰

女儀傳郝鍾古今共欽服猗歟賢張母芳徽洵可續自  
少嫺姆訓淑德冠世俗泊乎年及笄十七歸望族同心  
調琴瑟攜手車挽鹿自憾舅姑沒不得進酒肉相夫營

宅兆葬親山之麓祭祀潔蘋繫鼎俎躬滌濯一倡而一  
隨閨門何肅穆胡乃生不辰喪夫風霜酷襁褓孤  
失恃環相哭煢煢一鏡寒矢志歌黃鵠山亦有時崩水  
亦有時濁唯我張母節歷久彌芳郁家風本清貧甘心  
守齋粥教子有熊丸日夜勤課讀爲兒供脩脯嫁衣盡  
典鬻平生願靡他但望兒成學僉曰張母賢天必報厚  
福斯時郎君才聲名已卓卓母體素衰弱况復常抑鬱  
一病竟不起哀哀慟風木吁嗟母之賢連篇難盡錄我  
與郎君交論交素習熟娶婦締姻媿乃更詳衷曲所以

寸草廬言卷九

九四册叢書  
約園刊本

里黨中交口稱賢淑積善有餘慶何判遲與速今日郎  
君貴昔日母教育試看丹鳳詔煌煌帝恩渥有子光門  
闔玉堂揚清馥簪笏積滿牀階庭茁蘭玉後有列女傳  
附我此篇牘

仁和楊鴻元

斷機學是訓書教書足傳古來遺範在母賢子必賢吾  
友張太史失怙悲幼年高堂有節母撫孤矢志堅十指  
賴城巧一室忘馨懸丸熊望墓切寡鵠情可憐鬢齡偶  
逃學扑教泣涕漣背燈嚴課讀寒暑罔閒焉兒病貽母

憂醫禱求速痊母病恐兒知隱諱戒勿宣女紅生活苦  
備素誦讀專不使家事擾不使俗累牽弱冠學業就經  
史精磨研登雲期詆蕩愛日早綿延忍痛北萱斐揮手  
謝塵緣良良德莫報詩廢蓼莪篇苦心終不負默鑒在  
蒼天扶搖竟直上鵬翮快高騫名登金榜貴班列玉堂  
仙及身恨未見回首淚泫然朝廷重母教褒詔慰九泉  
封贈耀閭里旌表光隴阡前程無限量乾坤藉轉旋報  
國卽承家忠孝得兩全

慈溪胡啓巖

寸草虛贈書卷九

十四朝叢書

約開刊本

嚴霜知勁節歲寒松筠秀下有丹桂林郁烈傍孤岫我  
懷張母賢懿行不勝收三從曹家法七誠班姬授灼灼  
桃李姿來嬪自華胄婉婉相夫子同心願克副承筐實  
榛栗采蘋潔登豆被服紉素衣不羨錦與繡方期梁鴻  
案共保百年壽比翼一朝折天乎胡不佑摩笄痛欲絕  
逝將同穴就下視孤兒泣搶地驚顛仆撫孤還卻立榮  
榮悲在疚遺言猶在耳死者生不復三世賴一息忍棄  
此冲幼勉茹黃檗苦翼續青箱舊子年甫就塾晚歸倚  
闥候一鐙刀尺寒月落書聲逗子羸體多病延醫廡誠

炙餌藥苦無資質衣密爲購因之益貧窘釜甑生塵垢  
囊殯待十指朝不逮昏晝所望子成名略展雙眉皺艱  
辛歷半生重泉應默祐子也承母教奮跡雲程驟出陪  
瓊林宴入值銀壺漏惜哉母見背歲月忽如溜古井無  
波瀾暮雨苔生發子也念母慈徽音難再觀幽光鬱必  
發史乘留芳漱聖朝崇旌節褒卹尤加厚題額何輝煌  
綽楔耀宗廟吁嗟張母賢接蹤陶歐後盥露書瑤編香  
入梅花瘦

鎮海烏顯煥

寸草應酬書卷九

十二四明叢書

一約園刊本

彤史表母儀古稱歐與柳教子克成名遺範今何有猗  
嗟李夫人系出本非偶十七賦于歸陰教早自守相夫  
營先兆恨未事姑舅張公敬如賓相期百年久公素多  
疾病伺候依左右當公病革時珍重遺言受公去雖瞑  
目家貧應疾首欲效磨笄行誰與撫黃口三世況單丁  
教育豈容苟或顧夫人言盍使市門走服買供子職庶  
免貨升斗夫人忽長歎我豈墮利藪但得教一經願其  
長飯糗孤兒偶逃塾折蓼懲兒咎課讀夜挑燈督責愈  
師友獨憐修脯資皆出慈母手夜闌聞刀尺晨起操井

白躬自任勞勤痛癢常恤後爲急謀似續往聘兒佳耦  
男錢而女布動輒形掣肘典盡盡篋衣指持光戶牖倚  
嗟李夫人婦德一何厚宜其享遐齡斑衣娛萊母胡天  
不永年辭世三十九一片玉壺冰潔白無纖垢采風來  
輶軒旌表垂不朽有兒掇巍科木天膺紫綬報答三春  
暉天心所默佑遙知九泉下期望意無負潛德發幽光  
此理豈曰否

慈溪張斯緒

松柏具本性嚴辰葆其常幽蘭秉素質空谷播其芳賢

寸草應重言卷九

二四棚藏書  
約園刊本

哉隴西君清潔喻冰霜矢志一何貞大義希共姜丹穴  
利難覓青陵恨彌長四壁縱蕭然幸有楹書藏一息藐  
諸孤課讀寒檠傍咽丸兼畫荻式穀謀允臧叔寶幼多  
病相對恆憂惶欲問軒光竈醫藥債誰償恃有刀尺計  
換得刀圭量撫育至成立辛苦蓋備嘗出手喜得盧鳴  
鹿歌於鄉西笑入長安金馬而玉堂養親親不待銜索  
痛心腸眷暉今已矣慈訓胡能忘爲撰黃門集幸增彤  
史光傳之千萬古閭範肅珩璜

鎮海謝輔纓



母儀播徽柔含章自貞吉婉孌管揚彤箴規史載筆卓  
故張孺人珩璜鏗琤理內助相夫子淑慎而溫密鴻案  
肅盤匝雞鳴罷盥櫛奉祀主中饋蘋蘩湘芬苾孟棧夜  
鳴杼鮑養晨汲緇侍疾不解衣裙裯掬蠶蠶贈公病大  
漸永訣淚眶溢三世延一丁課讀宜專壹孺人遵遺命  
熊羆勤祗適入則時顧復出則常銜恤太史體素弱參  
苓資庫質米鹽暨脩資女紅一手出撫孤二十年拮据  
罔敢逸育鞠養兼教茹辛甘如蜜苦節自可貞懿範不  
勝述節孝達天庭恩綸賁蓬華哺養慰慈烏降祥寶命

寸草虛贖再

卷九

十三四明叢書

約園刊本

胤陶范此其選佑啓愚陰隲積善靡弗昌翰苑躋清秩  
轉瞬搏鵬程蔚爲梁棟彌

同縣李雲集

我識張太史文藝世稱最自道阿母賢夙懷闔闔誠早  
歲賦柏舟之死矢靡懈龜勉措家門紡織無或廢恩勤  
撫諸孤朝夕無或懟飲食母所貽詩書母所誨呼兒與  
諸妹時時相規戒小子教克成阿母養不逮回思鞠育  
時徒以增感慨余聞太史言改容深歎喟山或有時傾  
水或有時潰惟有孺人節千古永不壞

溧陽姚光宇

昔年宰甬江心儀李節母今讀張仲文知爲節母後爲  
言母十七于歸稱嘉耦九年椿蔭殂遺言母泣受謂母  
善撫孤書香一脈守兒能讀父書教養媿歐柳家計升  
斗艱鉞憐憫其口孤兒名未成母年三十九劬勞十三  
年病入膏肓久一朝溘然逝呼搶愧高厚所幸大府賢  
苦節旌朝右今年登甲科青綰翰苑綬名成母不見風  
木悲陵阜爲文述母賢徵詩徧戚友我今爲子歌慙無  
造鳳手子孝母節彰千載名不朽

甘肅盧道真

十四四明鏡書

約園刊本

黎城高 桐

卷施草拔心不死非此母不生此子白華可補蓼莪篇  
有子乃復識母賢嗚呼李孺人卓卓撫孤節兒父死年  
兒十一指兒死轉向母言願母撫兒無失業兒家累世  
能讀書兒家曾無儻石儲兒方童稚兒何知母身兼作  
父與師秋燈熒熒守一屋刀尺聲中課兒讀書聲才斷  
淚聲猶暈得寒榮碧一粟兒書不熟傷母心母繡不成  
餓兒腹霜天耿耿月已殘兒讀不敢畏夜寒東鄰老媪  
夜起歎書聲隔屋何辛酸張家有母心力殫朝來殷勤

隔窗語阿母撫兒亦太苦何勿令兒早學買有字飢來  
不堪煮守此殘編究奚補母聞媪言淚如雨此意勿敢  
告阿姥兒不讀書負兒父嗚呼孺人古所無十年冰燼  
血淚枯母賢直欲壓桓孟兒學勉冀成歐蘇兒今通籍  
貢玉殿兒喜成名母不見莫報春暉寸草心孤兒捧卷  
淚如霰嗟余慙媿列友生腕弱何敢鐫貞珉一言聊慰  
孝子心養雖不逮祭則馨願君勿忘母苦節青史千載  
貽令名

同縣張家驥

寸草虛情書 卷九

十五四明叢書

繪圖刊本

據經取象水澤節安節甘節亨且吉惟有苦節貞則凶  
其道既窮事乃畢吾宗節母氏曰李有子成名今太史  
教子不及見成名十年前已積勞死繫昔孟母有義方  
五鼎之祭踰前喪曰陶曰柳曰歐陽子登瀛仕母康疆  
竹柏之性最耐久守節之婦往往壽吾宗節母獨否否  
鼎養未嘗一日受嗟我失恃纔十齡顧我復我賴椿庭  
父在亦且長涕零而況太史更零丁甘旨之奉嗟無及  
酌酒焚黃徒於邑無母之苦不忍說怕聽太史呱呱泣

仁和王朝模

仲冬之月歲在丑我渡蛟門鯨浪吼舍舟登陸正徬徨  
得遇張生同年友歡欣各慰別離情相攜入室一杯酒  
酒闌涕淚忽盈眶爲道君家賢節母當時失怙苦零丁  
隻影孤燈相依守棧聲書聲斷續聞晝秋歐陽九熊柳  
儒風本自耐清貧青瑣一片傳家久願兒不存溫飽心  
何用學賈謀糊口金釵典盡門庭寒猶自子身操井臼  
二十年來願復深萱堂寂寞空回首此日成名何足言  
呼天莫應娘恩厚滿座聞之意淒然我有一言爲君剖  
春暉寸草無窮期苦節從來昌厥後今君蓬島看花歸

寸草廬題詩卷九

十六四明叢書

約園刊本

紫誥題封親拜受門前綽楔綬綬高兩字書來大如斗  
甬江之水清且激芳名與之同不朽

### 東陽吳品珩

松筠之節節不刊機聲燈影秋宵寒太史簪筆爲侍從  
不負當日含熊丸只傷不逮養以祿無母堪遺空舍肉  
昔跪父像受蓼管每念及之淚漉漉脩羊具兮脩屨綳  
阿母有儀儀遵悚其餘米鹽淺雜計取給十指仰鞠育  
今者欲養親不在太史能無感風木君不見像肅甘泉  
宮臺高懷清風古來苦節儉美報千秋綽楔何穹隆節

母之節壽彤史一瞬浮榮奚足齒請君努力奉明時養  
志承權孰逾此

華陽傳世煒

西風淅瀝天雨霜貞松秉節留青蒼斑斑湘竹啼孤鳳  
翩翩雛鳳鳴其傍昔者來歸君子堂惟善提汲相扶將  
方期偕老孟與梁豈意中道嗟仿徨隨雲節排天閭  
卻顧雛翼弱未翔之死茹痛心盡傷先人遺書世澤長  
有待羽儀爲文章書燈青熒佐機牀軋軋和織夜未央  
十年辛苦知備嘗慈烏返哺願莫償劬勞盡瘁啓善祥

寸草履題書

卷九

十七四明叢書

約園刊本

白雲無極還仙鄉果然文采鳴歸昌一朝對策登賢良  
天家綸綽親焚黃冬心抱節垂綱常寒柯煜煜發有光  
向來畫荻傳歐陽幸侍六一聞遺芳卽看阡表書瀟岡  
節母貽澤永餘慶

臨海郡慶恩

嗚呼爲善無不報此理不爽如絲毫而況節孝動天鑒  
古今一轍券可操孺人十七相夫子宗風遠溯青蓮李  
銘椒賦菊總餘才德容早備班家史相夫勤儉德可師  
鐵誓畫壁費擔持親潔蘋蘩薦寢廟鍾郝禮法存遺儀

夫子一身恆疾禱佛延醫力彌竭愴絕彌留訣別言  
三世單丁賴一息彙砧望斷淚盈盈呼天搶地空傷情  
手撫遺孤存趙氏居然闕內有程嬰米鹽凌雜闕家政  
送往事居均井井有疾深爲兒子憂搜衣盡篋都忘冷  
生來蘇蕙是鍼神家貧事事資縫紉長興僅辨朝陽色  
夜靜猶聞刀尺聲一鑑課讀寒宵寂機聲每與書聲接  
蠶簡猶留晏子楹殘灰盡歐陽秋願復恩情二十霜  
薺甘荼苦皆親嘗無端紅羊起浩劫荒山藹足悲滄桑  
時平黃鳥歸邦族秋風一夜摧慈竹又見王哀廢蓼莪

重爲舉魚泣風木我亦聞之心骨悲愴懷往事淚沾衣  
祿不逮養古所憾白華空補束廣微豈知鬱久發必早  
漫向茫茫歎天道堂上方開旌節花庭前已茂科名草  
此中消息可徵參苦節之後報以甘鸞章重營耀泉壤  
顯揚事業尤美談君不見柳母熊丸教仲邱衮衣烜赫  
登臺省况君文學超等倫春風早宴瓊林杏從來友誼  
相切磋忠臣孝子無殊科願君詎勉希曩哲自古名賢  
母教多

鄧東之山秀且娟鄧西之水清且漣水色清漣珠藏淵  
山色秀娟玉石堅兩閒何所有山水爲樞紐山貞水潔  
誰稟受嗟嗟性氣惟節婦吾鄉節婦有張母賢烈盡書  
筆且帶况我欲賦媿無潘岳手鷓絃子子寡女絲聽我  
略譜賢母詞賢母慧淑差擬班家姬神會詩書知禮儀  
入門不逮事翁姥晨昏此心常悽悽生事未盡力死事  
益盡思治祭不下樊英妻更佐孫鍾治葬基共牢舉鴻  
案侍疾卧牛衣角羈環膝下一室盡嘻嘻吁嗟罡風陡  
起拆朋鳥圓鏡劈剖天上飛空幃鐙檠影迷離空倉鼠

寸草虛留

卷九

五四明餘書

約園刊本

雀聲酸嘶蚤暮勤刀尺聊以拯寒飢爲丸熊爲畫荻嚴  
慈交濟心戚戚願兒青紫得芥拾庶幾地下謂吾稱婦  
職嗚呼席帽不利時嗚呼倚闔氣滅漸冰山之寒猶可  
說筵味之苦不及斯四座搖手各啗聲但云此曲不忍  
聽曲終奏雅哀絃更冰消雪盡春風生昔日遭紅勒今  
日登玉堂清操旣獲標彤管新阡又兆表瀧岡宗封傳  
以大手筆遂令壹德千載彰孰謂苦志終黜黑果然舉  
首有青蒼吁嗟乎賢母之節山貞水潔哲嗣之良山高  
水長鄧東鄧西節婦聽之吾將視縷盡其辭但恐蓼莪

增勸無盡時

慈溪葛祥熊

都水昔作列女傳上溯宮掖下微賤士夫閨闈常行難  
斷機效績女中冠卓哉張母佩英光作嬪清族甘糟糠  
不幸蚤歲歌黃鵠白日西頽紛露霜手提孤孩哭不止  
夫子遺命猶在耳世德未光兒未立此心不了身敢死  
檄書課兒諷晨夕直把母教兼父職家貧那得膏火資  
兒勤典墳母刀尺鐙影書聲二十載孤兒弱冠炳文采  
冲霄有翅會高飛可憐須臾親不待劬勞欲報倏成夢

寸草虛囑事 卷九

二十四明叢書

約圖刊本

鵬程萬里長風送金蓮歸院兒身貴慈烏絕哺兒心痛  
母節早衰母不朽母德未彰兒心負細寫生存發哀思  
廣徵瓊什及敝帚嗟我六歲失嚴君年二十五為鮮民  
孤子同賴母成立今讀慈狀增酸辛青衫重各長安道  
嗣君奮跡天衢早文柄再襄聲藉藉地下有恨應長埽  
蕪歌弗入史臣編懿德自合彤管傳河東耐志歐陽表  
於古有述維後賢

慈溪費仲綸

仇湛由來式母儀亮哉坤德繼芳烈千秋懿範輝彤管



歲寒乃知松柏節需人淑質出名門內則衿纓夙所敦  
十七于歸譜大體荆釵裙布德彌尊相夫有道宜家室  
茹苦含辛甘如蜜未事尊章留缺憾蘋蘩奉祀感榛栗  
節衣縮食儉而勤風雨營成百尺墳孝養於今心稍慰  
無端驀地起風雲夫子弱軀本善病終宵侍疾心恹恹  
胡天不弔藥無靈哭到所天淚珠迸淚珠迸兮喚奈何  
柏舟矢節死靡他呱呱兒女未成立從此家常感軫軻  
儒素自安操井臼齏鹽薪米出諸手遺言有子書宜讀  
丸熊課書媿柳母半生苦志勵冰霜潛德闡揚姓氏芳

廿五歲書卷九

王四明叢書

約圖刊本

傳到人間作女箴鄧山竝壽水同長方謂黃耆應頌禱  
萱堂棄養何太早嗣君玉堂金馬選成得功名雙親老  
吁嗟乎清節之門後必昌起家才子有文章他年捧得  
五花誥會看歐陽表瀧岡

慈溪張宏訓

非敢妄爲報應說冥冥之中重守節潛德果然發幽光  
吾乃益信天可必阿母貞操比松筠不歷冰霜不見眞  
鍼綫生涯務自力詎嫌茹苦而含辛有子嶄然見頭角  
挑燈夜半課誦讀泣涕誥誠何諄諄過庭遺訓宜三復

少多疾病弱不支無錢足供藥餌資輾轉圖維計安出  
典衣尙恐兒聞知鞠育至於成人日尤願爲兒謀授室  
可憐母氏甚劬勞半生曷嘗稍暇逸一旦奪得錦標歸  
寸草差堪酬春暉卽今祿養恨不速龍誥亦增泉壤輝  
高才自能取青紫苟無母兮將何恃須知有穀貽厥子  
作善降祥理如此此正可以觀天咫

同縣夏啓瑜

我聞歐母畫荻教遺孤賢母賢子令名播寰區吾師孺  
慕念母劬今人豈與古人殊師少失怙儻石無母氏鞠

寸草廬言卷九

三十四明報書  
約國刊本

育甘茹荼一燈熒熒照室隅機聲書聲風雪俱更深停  
織長歎吁望兒成立兒方雛欲慰泉下兒乎宜早圖錐  
股勵絕學粹掌成通儒兒能讀書母心愉啜菽飲水猶  
歡娛昊天不弔哀何辜繁霜零落貞木枯臯魚泣血空  
悲呼愛日易逝隙中過白駒一朝奮翮翔天衢慎守遺  
訓承遺模瑾瑜詞臣筆振藻贊鴻樞觥觥諫臣草直聲  
滿皇都請表母德帝曰俞綽楔旌門羣奔趨謳歌徽美  
盈道途孝思惻愴返哺烏祿不及養胡爲乎報答春暉  
春暉徂自以寸草名其廬焉得樹之萱草忘憂虞我謂

萱蔭今尙敷芸館柏臺齊露濡他年化爲王氏槐三株  
蘭蓀濟美一一握靈珠隴阡勒表事相符德獲報語  
非誣玉堂史筆慙大蘇生平忝附歐陽徒彤管揚芬千  
載永不渝豈惟傳諸志乘光粉榆

同縣趙鼎仁 并序

鼎仁弱冠卽從學於張肖菴先生先生少孤輒以祿不  
逮養爲憾一日以太夫人行述見示且嗚咽流涕爲鼎  
仁詳述之敬題七古一章摹繪當日情況其有合於先  
生之意否乎

可巢廬遺言 卷九

匡國明叢書  
約園刊本

清河先生清癯姿經師更復兼人師鯁生弱冠侍講席  
回首寒暑廿載移陳蕃今下徐孺榻

先生招鼎  
仁同居

春風小

草又華滋縱談往事無虛日惻惻時念慈母慈涕泣爲  
余述先德人生最苦是孤兒自從十一失椿蔭門庭親  
屬無功期環堵曾不風雨蔽米鹽惟恃鍼帶資一日偷  
閒偶廢學踉蹌畫像夏楚施笞時心酸手無力母子相  
對益淒其伯俞杖與陶侃酒奮改前非猶可迫有人誘  
以貨殖術母曰遺言末許違慍慍父書時勤讀舌耕差  
足供甘飴誰知十年心血嘔一朝遂抱風木悲祿不逮

養自古憾寸草春暉欲報遲嗚咽縷言尙未竟弟子爲  
罷蓼莪詩卷施抽心夕景悴松柏後彫歲寒知試看瀟  
岡遺阡在歐母大名字宙垂先生文章雉永叔淵源只  
在畫荻時移孝作忠有明訓聊歌一曲慰哀思

震澤周 齡

蓬池霜繪承恩斫淚痕悄向筵前落後揚不覺念前沈  
尸喪有母羹藜藿光母氏秉瑤儀珩璜雅韻流深帷  
鹿車頻歲耽憔悴鴻案中途慘別離惡并露紆墻門戶  
秦箒齊縷耐辛苦經營刀尺數更籌料理米鹽操量鼓

寸草虛言 卷九

二十四明叢書

約園刊本

四壁蕭蕭風雨聲嬌閨雪洒撫孤嬰晨搜盞篋管環典  
夕課楹書燈火明家貧爲兒諱言貧身病爲兒諱言病  
願兒緇素專精神瑯嬛祕籍窺須竟果然餘慶契文言  
翼子蜚英健翮鷲風戛玉珂鳴梓里雲飛綵筆珥薇垣  
只傷諉幄音徽查三春寸草心縈繞潘岳無由奉板輿  
歐陽有涕零阡表煌煌綽楔增輝光燿管還畱千古芳  
甬江江水流日夜母之馨烈水俱長

同縣郭慶恆

哲嗣成名日從知母氏賢徽音垂沒世苦節溯當年境

以奇窮迫心緣大義堅遺孤資教育抱恨奈終天  
潛德發幽光功名藉顯揚享年雖不永有子信非常鳳  
綉榮封受熊丸苦志償歐陽今繼起待看表瀧岡

同縣李 淦

自作貧家婦艱辛力備殫相夫督馬鬣課子和熊丸貞  
操流芳遠春暉欲報難惜哉未中壽風木有餘酸  
三世丁單弱餘慶積有基天心憐苦節門祚振孤兒巴  
婦懷清且瀧岡表墓碑旌閔光綽楔千古共芳規

海寧蔣廷徽

寸草廬遺書 卷九

玉函明鏡書  
續圖刊本

貞心如石有誰知彤管新標信史辭烽火倉皇多難日  
米鹽辛苦作家時鼎牲縱慰泉原憾風木難忘孝子思  
我亦春暉恩未報更留尺幅待君詩

寒宵曾記一燈青軋軋機聲徹戶庭天上文星纔舞勺  
女中師表自傳經茹荼不厭當年苦晝荻終留百代馨  
此後玉堂承顧問清芬好守舊箴銘

德化李盛鐸

丸荻風千古名流仗母儀艱難思漆室淒切望瑤池遺  
調憇黃鵠酸心護紫芝堂堂金石節珍重系宗支

養未尊章逮精誠絜豆遵安貧勤鹿挽卜吉問牛眠顛  
領營阡後淒涼撒瓊年藥鑪經歲護辜負苦心煎  
尚有鑿楹書彌留泣引裾此生嗟電火斯子望嶠嶼刀  
尺霜閨夜篝燈雪案餘提撕賴慈訓攻苦卽眉舒  
齋粥耽書味希文本勝流上清披冊府往事話箕裘貴  
勸慈萱香芳餘綽楔留此恩酬罔極官誥五花稠

江寧夏家鎬

婉戀維鴉樂淒涼寡鵠悲受遺承舊德濟美望孤兒白  
屋安貧候青燈課讀時傷心賢母瘁冰槩有誰知

寸草虛堂書

卷九

天樞明嚴譜

約園刊本

幸有丹山秀英聲起鳳雛天教齶苦節人喜慰辛劬風  
木情雖痛雲程志不孤顯揚惟令德致主效嘉謨

寶應劉啓端

苦竹連巖雪寒泉止固陰早修蘋澗職忽慟柏舟吟收  
涕持門戶遺言奉素砧一繩維廣廈廩立孤心  
風雨將雛日茹荼甘若飴艱貞輕九死衰病卻三醫晨  
爨生魚金宵機獨繭絲白華門子秀西望泣岷岷  
折菱懷往事淵識渺金釵遂以東征賦成茲北學名枯  
魚銜索蠹蛾豸入朝榮早晚甘泉畫相期勵棗誠

丹徒支恆榮

姓氏題金榜聲名噪玉堂  
龍膺龍鳳詔榮列鸞鶴行教  
澤推賢母恩波沐聖皇  
紫泥新命錫彤管古芬揚  
動履遵慈訓居恆著義方能承  
嚴父志不改大家常考妣生  
無忝翁姑事未遑鹿車欣共挽  
鴻案矢相莊豈料駒馳白翻驚  
鶴別黃淚彈千點血愁結九迴腸  
恨不從泉下哀還動路旁  
辛台中道慘申勸外家詳夫歿難  
同穴兒啼沉在牀牽裾憐弱息  
掩袂泣遺霜蒿里晞朝露松阡冷  
夕陽孤鸞首悱惻雛鶴影淒涼  
稚子誠難撫零丁實

寸草虛堂

卷九

毛四明叢書

約園刊本

可傷家貧恣晝菽志苦勵然糠學偶冬烘廢威猶夏楚  
張幾年諳禮訓一綫接書香熊膽丸能助牛心炙漫嘗  
勤披芸案帙痛賦柏舟章伴讀借操作謀生費較量機  
聲縲素月鐙影耿青霜器養成人偉絲抽寡女長窮因  
謀襪履苦爲作衣裳鍼巧常餘線廚空未絕糧業教儒  
素席課敢女紅荒餬口忘寒暑關心問雨暘神難完面  
目病已入膏肓色不眉邊露方都肘後藏訴愁憑燕子  
憂疾到獲郎不惜花鈿質頰將藥餌償顛扶鴉髻女虔  
拜馬頭娘卜叶金錢吉占呈瓦珙祥霍然蠲宿恙幸矣

召餘慶愛惜婆心篤綿延祖脈昌祀先隆俎豆留客設  
壺觴截髮追芳躅持身秉大防鞠躬操井臼蓬首減梳  
妝儉約先人守殷勤小妹將闔儀荆布飭家政米鹽糶  
酬酢深情具婚姻細意商相攸遲射雀聘婦筮飛鳳媒  
氏傳紅葉仙居占綠楊爲盟新結譜鹿幣舊承篋雅意  
周瓜葛賢聲徧梓桑少年今衛玠苦節古共姜望未登  
龍副憂難舐犢忘風聞開試院星使按文場旗鼓將塵  
戰琴書且束裝頗期光宅第先盼入膠庠白褐地應易  
紅牋寫未妨癡心遊泮祝引領倚闔望退忽居三舍歸

艾草康疇書卷九

壬辰四明叢書

約園刊本

仍汎一航膝前勞慰藉眼底戒頽唐不信科名滯翻嗟  
歲序忙燕居承色笑鳩祝卜康彊每望瑤池氣頻分寶  
婺芒陔南晨潔膳臺北夜稱觥桃醞斟何滿萊衣舞欲  
狂鶴籌添綽約雁序逐徜徉且幸顏猶赭還欣鬢未蒼  
珍期羅棗栗景冀駐松篁豈意沈疴伏難憑盛德禳病  
喉仍下咽瘦體漸成尪蝨卜情空切龍鍾態欲僵坐猶  
支素褥醫莫叩膏囊蒲柳形原瘁參苓劑豈良况難逢  
扁鵲空累費脩羊造化談修短精神入渺茫遺言都有  
緒續命竟無湯哀毀徒存骨悲號只引吭撫棺揮涕泣



曳履走踉跄卧肯安衾枕餐都絕酒漿牛眠勞卜兆鶴  
弔憶居喪廬墓三年盡捨家一力當下帷還慕董鑿壁  
更希匡韻既調琴瑟材先蓄棟梁采芹心頓慰攀桂首  
先昂杏苑羣英會蓬瀛一葦杭摛詞薰陸獻先路木天  
翔峻望標黿禁清聲播鳳岡快乘青雀舫喜控紫駟纒  
衣錦歸新第鳴珂返故鄉縱生行客羨爭奈老親亡鏡  
任螭匱暗衣從象服彰坤貞旌地府異命拜天閭諉幄  
應含笑芝綸載錫光登堂增慊懣陟岵益彷徨馬鬣封  
原草燕脂發野棠鼎鐘香冽冽碑板字煌煌化蜺疑飛

立齋遺言

卷九

五十四明叢書

新刊本

紙委蛇佩曳瑤拜辭新墓道歸整舊門牆志竟成陶侃  
名真亞范滂一時誇繡虎千里羨騰驤母範宗閨閣官  
箴贊廟廊簡編宜誌美巾幗永流芳青史供摛采彤扉  
廁拜颺一編潛德傳展讀韻琅琅

天津趙世德

攀桂秋風後來登立雪門巖巖師範著藹藹孝思敦每  
念悲慈竹興懷感樹萱編披心惻愴語罷淚潺湲苦節  
家聲遺先型闔德存女工勞織紵婦道謹咨言案憶隨  
鴻舉重聽挽鹿喧中閨操井臼南澗潔蘋蘩忽慟離鸞

出長悽寡鵲魂丁單傷祚薄子弱切聲吞四壁貧如洗  
三遷訓有源青燈機杼影斑管荻花根瑣尾過烽火樓  
身返故園米鹽支白屋刀尺悴黃昏諱疾辭醫藥加餐  
強餽煢一朝風木恨廿載地天恩甲第開雙榜辛勤報  
九原丸熊欽淑德環雀頌駢藉遺澤終堪慶餘哀不忍  
論蓼莪吾亦廢此志矢無諉

鎮海鄭賢坊

十七青年賦結褵幽閒貞靜備坤儀入門已共推祥女  
管定貽彤待補詩

寸草履遺書

卷九

三四册藏書

約圖刊本

相夫電勉訂同心追念翁姑報答深琴瑟方期偕永好  
胡然別鵠矢哀音

頻年茹苦與含辛望子成名課讀親畢竟天心終不酷  
一重冰雪一重春

石麟才調本超羣華國文章達上聞今日玉堂翔步入  
毋忘母教勗精勤

同縣馬恩補

憶自侯芭問字來每談清節暗心摧儒家風範貧家況  
回首難忘母氏哀

荆釵裙布女中師未及登堂拜母儀試敘生平經過事  
百般辛苦一心知

笄珈十七賦于歸貞靜幽閑仰德暉心歎重闈難逮養  
勤勵內則總無違

承祀馨香絜几筵秋菘春韭亦鳴虔親操井臼忘勞勩  
淑行全符女史篇

鴻案相莊十一秋維摩多病疾難瘳最傷心是彌留際  
哀對諸孤涕淚流

同縣陳熙績

廿五歲

三四册

柏舟矢志已云奇况復清貧難立錐隻影惻惻何所恃  
一番境遇苦難支

封君見背痛孤兒未及成童舞象期此日親朋多畫策  
爲教輟學救燃眉

料到興宗志不移丸熊課讀抵嚴師滿腔心事向誰訴  
惟有孤燈默默知

頻年鍼綫作生涯半爲郎君脩脯資此外饔飧兼日用  
總然獨力任支持

偶逐羣兒共戲嬉便同孟母斷機絲兩行血淚情無限

不忍加笞盡力答

由來臥病覓秦醫誰信膏肓不可爲奈說死生總有命  
丈夫巾幗信無疑

功名兩字更酸悲刻望芹香擷泮池記得月湖將校士  
病中分付入場詞

果然仲郢慰宣慈雲路翩翩到禁墀天道循環原不爽  
人間困頓幾多時

煌煌天語表門楣綽楔流芳世所推地下有知應亦喜  
堊茶始信本如飴

廿五歲履曆

卷九

三四明發書

初園刊本

悔我無緣拜母儀望雲空賦斷腸詞敢同南郭隨聲和  
莫使齊竽一一吹

同縣傅彤禧

并序

旌節誥贈宜人張老伯母李太夫人者贈奉直大夫介  
菴張先生之淑配肖菴太史之賢母也太夫人歸贈公  
祖勉同心十二年遽作未亡輒泫然謂太史曰爾父以  
吾家三世惟爾一綫冀爾好讀書勿他計也我今願拈  
据十指以助爾脩脯比太史出爲人師進有館穀太夫  
人雖疾病屢作猶以醫藥資增重家累於戲心旣勞身

亦瘁精力卽漸耗矣太夫人捐幃後邀請旌典又閱八年太史始以名進士改庶常授職編修爲太夫人入祀崇祠與馬絡繹觀瞻遮道莫不爲太史慰而太史獨歉然者蓋以祿不逮養有感於歐陽文忠所謂祭而豐不如養之薄也乃述太夫人節行徵同志者闡揚懿歟彤禧不揣窮陋謹作里言十一章以獻

隴西淑質賦于歸逮事尊章願已違荼苦相夫成葬禮寸心藉以報春暉

所天痛失勉圖存百忍空前保子孫一脈藉延誰得擬

寸草虛贈言

卷九

三四明鏡書

約園刊本

女宗貞孝合旌門

三世衰門只一丁鑿楹相守遺經朝朝提耳懷遺命未許工夫頃刻停

無端病疾勢頻加予子瀕危母曰嗟祈禱至誠神亦感輒回診戾轉床嘉

丸熊情緒倍依依形影關心到瘦肥愛子隱防分念慮諱言典盡篋中衣

儋石無儲四壁空米鹽料理費深衷斷齋畫粥參風味

生計頻年仗女紅

鍼黹清晨爲底忙  
關情深怕負朝陽  
機聲未斷書聲續  
一盞燈分午夜光

二十年來溯積勞  
那堪歲月去滔滔  
雛將反哺烏先老  
欲問青天首屢搔

綽楔高懸仰女宗  
過廬式里盡知恭  
昊蒼不負松筠節  
摩頂麟兒秀獨鍾

扶搖直上奮鵬程  
簪筆詞垣負盛名  
從此蔚爲廊廟器  
姆儀鏗燿播賢聲

養親祿未遺生存  
衣錦歸來祭墓門  
料得九原歡笑日

才重慶贈言卷九

至四明叢書

一約園刊本

輝煌鸞誥沐天恩

蕭山黃中理

孝友家聲振鳳池

天喪貞節詔如絲  
母從鸞掖晨趨候  
卻憶熊丸課讀時  
雨露九京護背渥  
冰霜十載草心知  
平生陰德誰能闢  
待誦歐陽自述辭

同縣傅毓璋 并引

光緒七年歲在辛巳  
張肖算太史爲其母李太夫人徵  
苦節詩詞力圖闡揚  
先時大吏題請旌表  
其門泊太史

通籍假歸既奉主入祠崇祀亟擇吉壤成葬禮一時里巷傳誦僉謂太夫人食報之隆宜有此也而太史猶以祿不逮養爲憾其孝思亦可概見矣

青蓮秀淑著閨中嬪自清河嬪德崇兆卜牛眠多內助太夫人襄贈公營先塋調成別鵠況終窮淒淒紙帳纏魔黑篋篋

糠鎗習女紅爲護芝庭花獨發幾經苦雨又酸風

一髮千鈞任重當尺刀聲裏授經忙熊丸願慰歸瑤島烏養情留報玉堂勵節應同封冀國冀國夫人爲吾喪

榮還擬表瀧岡天家史成傳徽嫩彤管端從學士揚

寸草廬贈言卷九

三五四明叢書  
約園刊本

寸草廬贈言卷九

寸草廬贈言卷十

男張嘉祿彙編

孫張壽鏞校刊

秋

鐙

寸草廬贈言卷十

四明叢書  
繪圖刊本

課

讀

圖



秋燈課讀圖題詠

壽陽祁世長

張君示我課讀圖中有千行清淚珠欲爲題句經時無  
每一盥誦生嗟吁北堂慈母名門姝梁鴻德曜聲名都  
孝思未逮事舅姑翼缺竇敬相厥夫質春操白身忘艱  
要爲張氏興門閭遭家不造蒼天呼命丁寡鵠兒稱孤  
秋風蕭蕭吹徹廬簞燈夜夜書聲靡但讀父書母心愉  
偶有嬉戲鞭其膚荻訓豈與嚴訓殊心甘如飴境苦茶  
鍼帶所入供朝哺忍病卻藥輕身軀沈疴不起其天乎

寸草虛明書

卷十

二四明叢書

約閱刊本

墓門宰木號慈烏有子有子真鳳鳩來釋褐遊蓬壺

仰慰先志承明趨瑣闥薦士求珊瑚

自葦兩分鄉校

山陰訪戴

粉本摹松堅竹勁今楷模小人有母生我劬松楸西望

愁雲鋪卅年南北羈宦途空資薄俸肥妻孥

先太夫人見哲時世

廿一別緒愧無魯酒斟送子歸去增煩紆努力簪筆恩

澤敷心兮廊廟身江湖

長沙徐樹銘

涼秋雨洗千林綠晚蟬淒斷吟螢續黯黯挑燈課阿雛  
清庭照乘眞珠玉千秋彤史有光輝五車力致家之肥

贏得金蓮歸直院可憐寸草卽春暉披圖宛挽迷煙翠  
千毫寫出無窮意倚戶攤書夜月高淒懷慟絕兒時事

才學應時言

卷十

三四明鏡齋

約園刊本

秋燈課讀圖題跋

閩縣何剛德

昔黃陶庵先生爲朱行節作家傳敘行節之言曰世之爲人子者莫不欲傳其親顧親不可以飾而傳譬諸繪親之像朝夕事之與親有毫髮不似則子之心不安獨於吾親之行有不及者而虛美以飾之則是以不似吾親者爲安也珩之述吾親也惟其似之而已噫肖募追述吾年伯母李太恭人行實並繪秋燈課讀圖以誌哀慕是非所謂惟其似之而不以虛美飾乎肖募之孤也

可草廬贈言

卷十

四西明叢書

約園刊本

年僅十有一耳吾年伯介募贈君疾革指肖募謂太恭人曰三世單丁賴茲一綫汝勉撫之言已而瞑時家貧甚太恭人抑哀痛殫力支持苦心鞠育凡祖先享祀姻族餽問及米鹽脩脯之供悉惟十指是賴月苦風淒篝火黯然熒熒不暇自恤肖募晨興入塾師則督之逮夕歸室已則續之誘掖劬勞無稍曠闕肖募偶廢學太恭人挈之跪贈君畫像前戒之曰兒向嗜學今父柩在堂乃如此他日何所望且撻且泣肖募亦泣白哀悔太恭人疾每戒無使肖募知肖募知而求醫則以死生有命

之說婉諷之懼紛其心而曠其學也肖葺學成後爲里塾師太恭人爲肖葺聘婦未及娶而太恭人逝矣平日茹苦撫孤成名肖葺補弟子員太恭人已不及見矣此則肖葺終天之憾所以飲泣不能自抑者也肖葺與吾同年聯捷成進士同出南海呂冕士師門下遊從甚密肖葺規行矩步言笑不苟同年引爲畏友蓋得力於母教甚深而其追述太恭人遺行肫懇真摯尤極其儼見憫聞之誠聽者輒爲之感悚是其終身之慕有非言語所能罄其形容者邇來肖葺迭司文衡指膺多繡聲華

寸草盧贈甫

卷十

五四明叢書

約園刊本

藉甚一時而後起羣秀亦皆極岐嶷之選是天所以報施太恭人者他日必將封建厥福而昌厥後方興也而未之有艾又豈尋常綽楔之褒華誥之錫遂足以發幽光而酬苦節哉肖葺同年以年伯母李太恭人秋銓課讀圖示閱謹綴數語用誌欽慕

附錄  
湘鄉曾廣鈞

至道起貞元肅殺胎春陽太母秉冬德盛年分鸞鳳吾  
師十齡耳事母如黃香尋常愛成溺藐姑相扶將偉哉  
几筵前折筮淚數行亦曰志聖賢未必期顯揚彼蒼殊  
有知吾師果光昌但恨蜚英聲後於表隴岡高行而促  
齡邦人祀之鄉吾師日騫騰誰知神黯傷悠悠蓼莪義  
抱經翔玉堂惻惻倚閭訓諫紙屢飛章我知太母心含  
笑於九京每聞函丈言慈囑勗爲滂大運釀屯蒙臣心  
憂不康追孝遽親側賫忠依帝旁平生將母忱欲以播

寸草廬言卷十

六四明叢書

約園刊本

琳琅奄忽未成書顧託得賢郎恭承駟馬門卽在衣錦  
坊論兵昔江漢拭玉今梓桑無窮慕白雲益用懷青霜  
說在節之臨苦極甘乃長徽首刻茗華世澤絲鍾恍爲  
謝人子孫似此眞芬芳

附錄

給諫張肖菴先生傳

安陸陳培庚謹撰

先生姓張氏諱嘉祿字肖菴浙江鄞縣人先世居縣南段塘先生九世祖殿臣始遷居城內之後屢營世脩其德曾祖忠豪祖孝達父福祐皆以懿善著聞先生生十有一年而贈公卒母李太夫人受遺撫孤家奇貧米鹽衣履脩脯之資皆仰太夫人十指中遭寇亂流離顛沛不使廢學先生性既穎異又感太夫人勤閔益自刻苦德器早成同治丙寅丁太夫人憂戊辰服闋始以府試

寸草廬贈書附錄

一四明叢書

約圖刊本

第一入府庠旋食廩膳光緒丙子舉於鄉丁丑聯捷成進士選庶常散館授編修京秩素清苦先生閉戶深居不以干人而益肆力於學喜讀宋儒書大抵以研窮義理不立朱陸門戶為主惟於王伯厚困學紀聞致力尤深參考互證所得多出翁全諸家之外如易貴未然之防引宋劉荀明本釋陽盛陰生引宋袁文齋牖聞評觸類引伸意在厚集其說不第以該博爲長又嘗爲小謨觴館文箋註搜輯宏富細書小字隨記所得簡者行間題綴殆徧今皆藏於家壬午乙酉癸巳三次分校順天

鄉試已丑分校禮闈辛卯典試湖北衡文一守先正義  
法務取學有根抵詞歸雅正之作故一時最稱得人己  
丑秋改山東道御史旋轉掌雲南道壬辰擢戶科給事  
中次年轉掌禮科國家自同治中興以後內忠救平外  
侮迭至當事者以籌海爲經國要務於是練海軍購船  
械歲費金錢常不下數千百萬顧於外人水陸戰術船  
駁製造先類茫無所知其用以居閒往來主管事務者  
必取其與外人相接近則所得又多沿海駙僮豪奢夸  
誕之徒情義嗜利公爲詐欺故籌海數十年一旦有事

寸草廬言

附錄

二四册叢書

約園刊本

則戰守一無可恃先生恆盡然傷之甲午中東事起當  
時文武大吏募兵籌餉因緣爲利疏請訓練之兵移緩  
就急出入款項嚴核中飽又陳戰守機宜者數事九連  
城岫巖金州旅順相繼失守先後疏劾大學士李鴻章  
軍機大臣禮親王世鐸等黨同蒙蔽因循誤國請立予  
罷斥逃官怯將依克唐阿衛汝貴龔照璵諸人請速正  
典刑言雖不盡用而士氣爲之一振浙江營規廢弛防  
軍闕額兵輪管帶歲修支款尤浮冒復論劾提督張其  
光副將費金組等降黜有差乙未夏馬關約定糾臺諫

力爭不獲遂乞假歸於是杜門不出者二年戊戌秋力疾還京補兵科轉掌科己亥眷意大利兵船趨至三門灣索租借地屢講不戢浙江戒嚴三門灣者當寧波合州之交北接石浦南通健跳中有南田島尤廣斥膏腴先生以謂此地若爲外人所據則浙東形勢失其要害而寧台尤首被其禍乃疏請自開商埠以抵制之奉密旨飭議施行浙以添防益購軍械先生請清查舊存槍礮子藥以杜冒濫是年秋餘姚上虞風水爲災復與餘姚韓侍御培森合詞請速籌堵築加意振卹奉旨飭行

寸草廬書

附錄

二三四明叢書

約園刊本

寧台土匪尤田雞結黨橫行地方不加懲治疏請嚴緝不數月就擒浙東匪患始除自戊戌以還新舊交訐己亥剛毅等用事益媒孽其閒是冬至私議擁立先生方病強起草疏謂主上無失德果有此事是自求禍也旋以中外議論洶洶事雖中寢而先生病日甚矣在臺諫十年先後章數十上所陳皆關國家安危大計而於羣吏侵冒欺罔之弊言之尤爲痛切然未嘗妄劾一人及瑣舉細事謂諫臣職應爾也嘗巡視中城有著名倉蠹奉命拿辦自命下至送部未及一日既送部而親貴請



託者至矣奉查漕糧吏胥循例進千金嚴斥不受聞者稱之性至孝自以早歲失怙太夫人含辛茹檠每遇祭日含哀不怕與人言及輒嗚咽流涕嘗出太夫人行述並繪秋鏡課讀圖徧徵詩文手自鈔錄編爲寸草廬贈言以誌母教操行清峻凜然有不可犯之色而待人接物誠篤懇摯歷久不渝治事日有程度料簡家政纖悉靡遺寄諸子家書剴切詳盡可與湘鄉曾氏家書後先媲美嘗書養身齊家砥品勵學八字示諸子懸爲座右銘疾病彌留猶執話子手勉以孝弟忠恕言之至再嗚呼

寸草廬贈言

附錄

四四明叢書  
約圖刊本

此可以知先生立身之本矣先生以庚子二月二十六日卒於京邸年五十有六京朝同官及門下生徒皆奔走流涕同聲哭曰朝廷又失一正人矣蓋素行之孚於人如此子壽鏞光緒癸卯舉人江蘇候補道壽鎬湖北候補知府權施南府事壽鏡縣丞

贊曰光緒三十年中海氛四煽我武不揚當時臺諫侍從諸臣交章論列或責難樞輔或痛詆疆吏莫不發抒意氣標榜聲華雖亦足博強直之名而中情或鬱然餒矣先生不以文章氣節表襮於世而密封急遞或反爲

諸公所不能言不敢言者何則忠愛深則利害忘名利  
淡則得失輕也且卽以文章論紆徐雅則抑亦足與於  
古作者之林視當世所謂崇論閎議者其優劣正未可  
知爾子曰有德者必有言仁者必有勇先生庶足當之  
無愧色焉

寸草廬贈言後序

維我張氏宋相文節公後也由公四傳至君模公諱襲  
謫判蘇州始居蘇君模公次子由仁公諱纘值寇屠明  
州土著流亡移民實之於是始遷鄞居於十七甲張村  
由仁公生承雅承貴二公承雅公生用和公徙居鄞谷  
其後傳七世或遷東錢湖及寶幢承貴公生用明用熙  
二公用明公始置別業於雲龍鄉是爲雲龍嶼之祖娶  
金氏生二子允泗允澣二公也而谷山一派別書娶黃  
氏生四子允益允球允琳允瓊四公也舊譜謂黃氏所

寸草廬贈言後序

一四明叢書  
約圖刊本

生世居谷山金氏所生世居雲龍嶼如蒼水公者實祖  
允益公則清池一系其後爲雍睦堂谷山所自出也用  
熙公生允琛允璠谷山譜允璠  
公改名允璠二公分居象山龍嶼是  
爲中族用明公爲文節公七世孫遞嬗至十六世曰行  
之公曰學之公曰問之公分天地人三房天房當清初  
已不絕如縷徙城中之青石橋者始尹肅公人房裔也  
徙甬東之大步者始善儒善頤兩公地房裔也我敦本  
堂亦地房裔也學之公生原政公原政公生仲岳公仲  
岳公生得昌公得昌公生守中公守中公實我敦本堂

之祖於文節公爲二十傳仇滄柱先生撰我族祖漢泗公壽序云族出雲霄古洞邑東諸族皆其分支卽別於大步一派言也自守中公以下先後分九支曰府學前曰甘溪曰貫橋東街曰貫橋西街曰段塘曰後厰營曰鎮海曰昌國衛曰紹興我後厰營支也歷世相傳潛德弗曜顧稽諸譜錄聞諸長老傳言我高祖考忠豪公雅善徐太茂先生先生好善我高祖考多助成之洎我曾祖考孝達公益承先志務行善道光四年甬上東津浮橋壞巡道李可瓊決策於太茂先生先生慨捐千緡我

寸草應酬言

後序

二四明叢書

約園刊本

曾祖考實襄厥事勤督御昏夜大風雨不少閒閱五月訖工又慮雨瀝橋上艱行旅躬自督工鋪草氈橋面樂而忘勞於是遠近羣稱張先生逮及我祖考福祐公旣承先世行善之後雖家道中落猶勉承先志每有義舉展轉告貸以赴時兩世遺櫬均在淺土質所居宅以葬今質券猶在也隱於吏以清廉敘末秩體弱多病家益貧不幸年四十五而歿我祖妣實少祖考十七歲時年二十八也祖考旣歿張氏一綫之承惟我祖妣是賴先公爲行述已詳言之不敢贅獨是予小子聞之先公者

幔也抑又聞師嘗繪太恭人課讀之景爲圖願請而觀  
之庶觸境賦詩亦足以發春暉無盡之意云爾

寸草廬贈言 後序

三四明叢書  
約園刊本

寸草廬贈言卷十

先君子仿蕭山汪氏雙節堂贈言例手輯寸草廬贈言  
凡若干篇意久弗慊每遇海內能文之士恆衣冠再拜  
流涕乞言歲月寢久鴻筆佳章或一體數篇或一人再  
見蓋將以無盡之辭彌終天之憾故終先君子之世卒  
未付之剞劂者意猶有所待也壽鏞等輒思一竟前志  
人事匆匆訖未就理憶庚子歲壽鏞嘗手鈔一冊洎壽  
鏞在鄂垣屬先君子門人陳君少渠略加排比今更屬  
陸君珠浦重加校勘何君雯卿爲之手寫冠以邑志行  
述其前後贈言則別類分門編爲十卷傳一誌二書後

寸草廬贈言

一

四明叢書  
約園刊本

三贊四頌五諫六連珠七樂府八古今體詩九秋燈課  
誦圖及題詠題跋並後序十都凡十類皆依原文編錄  
而體例悉仍先君子手編之舊不敢有變易焉惟吾家  
自高祖以來三世單傳先大父蚤世所賴以延張氏一  
脈者先君子一人而已天啓哲人忍死以存孤勞生以  
成學使單門孤子旣以永吾世又以起吾家再造之功  
雖古陶歐何以加焉壽鏞等嘗讀宗譜先大母家傳於  
來歸也曰端莊性成躬操井曰於撫孤也曰飲冰茹檠  
苦難縷述益信先大母行孚於人宗族鄉黨當時尤翕

然稱之先君子所爲敘述固非獨私其親之詞而先達  
諸公之長言詠歎舉無溢美可知也譜爲十一世族祖  
忠恕公手纂公固立言不苟者附記於此知言君子將  
有取焉壽鏞壽鏞壽鏡謹識癸亥秋八月

後序

聞喜楊深秀

寸草廬贈言鄧張肖葺待御師述其先妣李太孺人今  
晉贈恭人行略暨一時所徵筆詩彙而存之者也師常  
痛母茹苦蚤終不逮宦達所可致力者止文章耳殊未  
足酬恩勤於萬一是用取孟郊語名其篇深秀竊以師  
如許闕揚斯太恭人之心庶少慰矣夫立孤較死尤難  
前人久有定論而古賢媛之忍死撫孤力任其難者實  
發於一念之血誠何嘗有幾微求名意哉然至遺孤成

寸草廬贈言

後序

一四明叢書

約園刊本

立含笑見先夫地下其一生萬難之跡亦未有甘就澌  
滅而不願流播人間者也矧人子顯親爲志欲寫飲冰  
茹檠之操舍文字奚以焉特是劉向列女之篇范書遂  
承用其體而鍾會生母之傳陳志反不採其文是知以  
文傳親無論自述之文徵人之筆其終登諸史冊者未  
有不以紀述爲先者也師之述太恭人以大節立幹以  
細事傳神真情鬱至之際幾於慟不成聲諸聞人從而  
揚挖之其文遂無美不備嗚乎以備異時之採擇有餘  
矣方太恭人之警惰而行杖也不重則不懲重則子痛



淺而母痛無窮也及其診疾而醫方也不治則不痊治則身病減而慮兒病之增也乃至刺繡攻書典質市藥令兒知恐其不安不令知又恐其不奮也寸心之千迴百折有可告語焉否耶一旦子長而能鑿鑿然曲白斯隱縱或里語不文猶將爲之喜極而涕零也而況吾師以國史之才敘親庭之痛且徧徵海內金玉之章而謂太恭人在天之靈反有愀然不樂者豈其情邪且也師之授徒貴在傳經術父之望子重在振家聲至寡母望孤兒則科名尤所急焉以爲必如是始可以興孱宗塞

俗論而增吾苦節之光也吾師以丙子丁丑聯捷成進士入翰林今授山東道御史一時內外姻族及里高年者孰不歎羨太恭人課子有方而守節不枉邪而師爲諸生時能請旌母節旣登仕版事事奉母儀二十五年中無一日忘母苦也家聲經術罔不震耀一時何一非太恭人砥厲成者古賢母之勗子曰孔孟亦是兩家無父兒只能勤便爲萬世師嗚乎以觀太恭人之督吾師成立何多讓焉頃者師以此冊見示命深秀書後敢發斯義以當請益尙恨旣登承叔之堂獨不侍宣文君之

猶不止此憶壽鏞幼時爲講孝弟圖說故事至子路負米事泫然曰汝知吾之負米事乎歲辛酉吾年十七爲童子師恃館穀爲養時館於陶公山忻氏值匪自杭東竄郡城戒嚴吾急馳歸汝祖母怫然曰吾將他徙而汝遽歸益吾憂矣吾曰母在城兒何敢不歸越日匪至南門守者擊退之陶公山乃被擾忻氏有死難者此豈非天邪先是某年冬無以卒歲貸米數斗於族人諾之其意若謂假而還可後假者吾年猶少旣飲泣負之歸語汝祖母曰兒不願受此惠也汝祖母乃積鍼帶資於春

寸草虛贖後序

三四明叢書

約園刊本

初反還之昔處艱虞汝祖母猶在今幸得祿食而汝祖母前死矣信哉祭而豐不如養之薄也因嗚咽不已是日吾母與吾兄弟爲之罷食歲己丑壽鏞奉母居甬先公居燕寄家十緡度歲曰若使汝祖母在堂當歡天喜地矣每遇忌日含哀不怡終身如之一裘十年雖仕宦吾母猶躬治炊嘗曰回憶汝祖母苦日與汝祖父廉而好施汝曹他日能自樹立宜齎於己無齎於人壽鏞謹誌之不敢忘雖然此特什一耳什佰於此者未能盡述也先公嘗名書室曰慕歐廬旣述祖妣行略復繪秋燈

課讀圖徧徵當世名人鉅公詩文集所得曰慕歐廬贈  
言旣而歎曰吾道德文章何敢望歐公寸草春暉之意  
古今同之因更名曰寸草廬贈言癸亥秋壽鏞謹誌而  
刻之矣今忽忽十二年仲弟壽鏞已卒脊原之痛無有  
已時壽鏞學不加進德不加修而齒已日增廩廩焉懼  
先緒之隕墜不惟無以報祖母且無以慰先公夫君子  
之澤五世而斬今藉先人餘蔭得有其子孫日盈則良  
月盈則虧何天之衢惟艱之吉念之能不惕然乎哉因  
謹次述吾族所自始及譜錄之昭垂長老所稱道與昔

寸草廬贈言

後序

四四明叢書

一約園刊本

日聞之先公者拜手而記之以詔吾子孫聿修厥德無  
忘先世仁孝淑行艱貞苦節則予小子所以上對先人  
而下與子孫其懋勉之者其在斯乎民國二十三年八  
月孫壽鏞